

宋

會

要

金唐文

續會要

黜降百十

紹熙元年六月四日詔權刑部侍郎吳博古刑部郎中
俞澂大理少卿呂公進各降一官大理評事史彭祖降
兩資皆以勘滿頴伯等隱落省試代筆條法故也 十
二日詔知信州鉛山縣張升卿放罷以守臣梁季琬言
其所催官物移易預借專事科罰追擾平民故也 同
日知開州新政縣張應回降一官放罷以本路提刑朱
致知言其貪婪苛虐不恤百姓專以科歛納賄為務故
也 十三日詔知溫州湯碩知處州喻良能並別與開
慢差遣以言者論碩多疑自用下情不通凡所舉措十

事九錯良能年老多病語言蹇澁詞訴積壓處事乖方
故也 二十二日詔新知鄂州陳峴罷新任以言者論
其累政無狀故也 七月二日詔國子正江士龍太社
令富瑄提轄樵貨務都茶場朱軾禮兵部架閣文字馬
先覺並與外任皆以臣僚論非其才也 同日詔武翼
郎士珪特降授修武郎不遑不遑送西外宗正司收管
士珪寄居建寧縱容男不遑不遑聚集不遑毆打居民
醞醋屠牛官司不能禁約至是守臣具奏來上故有是
命 同日詔知萬州章嗣放罷以本路運判張玠論其
傾邪狠愎并欠四川總領所折估錢不解故也 同日
詔知肇慶府林次齡降兩官放罷以廣東提舉劉坦之

言其輒差虞兵監勒石匠深入岩水打硯致傷指身故
又將常平錢以修門為名違法支用乞賜罷黜故有是
命 二十一日詔大理司直王煥放罷新知靜江府陳
賈罷新任以殿中侍御史林大中言煥專事奔競出入
臺諫給舍之門以希進用賈昨為臺諫彈論徇私納賂
一節尤為可鄙難任郡寄故有是命 二十八日詔前
知撫州趙廩判官趙公翊司法周簡並放罷以本路提
舉黃維之言其交通賄賂皆有實跡故有是命 八月
一日詔鎮江府駐劄御前遊奕軍統制且汝礪放罷以
本司言其率意妄作恣興工役不徇分守職事乖謬故
也 二十一日詔江東提舉周必正放罷以監察御史

虞傳言其端居廨舍按部絕布民間詞訟書判不行故
有是命 二十八日詔知嚴州張堃放罷以言者論其
荒于酒色郡事付之吏胥徵歛本排過數抽解鋪兵食
錢擅行住支以資妄費乞賜罷黜故有是命 九月二
十五日詔新知明州蔡戡司農卿總領湖廣江西京西
財賦梁總並與祠祿並以左諫議大夫何澹論其事君
而不知尊敬見得而不知廉恥故也 二十七日詔提
轄權貨務錢耆放罷以殿中侍御史林大中言其居官
無狀故也 同日詔新知興國軍趙不困罷新任以臣
僚言其前知邵武光澤縣用驅僧之術侵欺官錢貪殘
不法故也 二十八日詔新湖北運副李結差主管建

寧府夷山冲佑觀理作自陳以右正言鄧駟言其為縣

為郡為監司皆刻剥害民之事累汙白簡乞罷新命故

也 十月十四日詔司農寺簿俞言放罷以監察御史

虞傳言其天資浮躁濟以姦佞貪穢之行衆所不齒故

有是命 二十七日詔知全州施廣文與宮觀以本路

運判陳傳良言其拖下綱運不曾解發方且預借民稅

重為困擾乞賜罷黜故有是命 二十八日詔提舉江

南西路常平茶鹽黃維之放罷以臣僚言其任情蔑法

故有是命 同日詔潭州通判曾慤秀州通判葉轄並

放罷皆以臣僚言其貪殘不孝故有是命 十一月一

日詔後軍統制雷世忠後軍統領楊世雄選鋒軍統領

李顯明各特降一官坐總轄牧放馬倒斃數多故也
同日詔護聖馬軍權軍李世存仍舊充後軍統領坐虛
作買草到場盜破官錢入已為殿前副都指揮使郭鈞
所按也 三日詔建寧府建陽縣丞徐杲特降一官放
罷以本路提舉陳杞言其信任人吏連禁縱容乞覓侵
盜官錢故也 九日詔知普州趙伯總特展二年磨勘
以本路運判言其擅支移寄椿米不曾補還也 二十
五日詔新除國子正王公邁罷新任以臣僚言其輕儇
浮浪素非令器所至遺失乞賜寢罷故也 二十九日
詔知循州張晞知錄徐棟推官趙伯謙監稅李彥昌並
先次放罷內徐棟令本路候刑司取勘聞奏以本路運

判趙伯暹等言晞信任棟等恣為不法姦賊非一乞先行罷黜故有是命 十二月六日詔知池州貴池縣王萊降一官放罷以臣僚言其暴狠不法凌滅守臣張奎奎乞回避故也 十二日詔新愛路提刑陳季習新知常州曹邦別與閑慢差遣新知常德府王進之與祠祿以御史中丞何澹言季習疾病之餘邦才力不建進之素無廉聲故也 十三日詔知江陵府閻蒼舒放罷以御史中丞何澹言其在興元則故縱賊吏在江陵則貪暴無恥乞賜罷免故有是命 二十一日詔新知英州鄧璽罷新任以臣僚言其累任不法故也 二年正月二日詔入內侍省西頭供奉官黃遵特降一官送吏

部與差監撫州鹽礬酒務日下出門坐違犯本省約束
故也 九日詔新除江西提刑譚惟寅罷新任以臣僚
言其頃倅靜江謫事詹儀之妄作害民及累任賦汙不
法故也 同日詔知秀州趙亮夫放罷以臣僚言其孝
行有虧閨門不肅律已不廉治民不恤乞賜罷黜故有
是命 同日詔右監門衛大將軍不嚴特降一官以臣
僚劾不嚴為太廟奏告官致齋之夕輒過多才幕次飲
酒至醉歷翌旦行事傲側之狀自不支吾故也 二十
一日詔國子司業樓鑰降一官坐為銓試考試官失覺
案賈德言等代筆事故也 二十五日詔知盱眙軍霍
麓與祠祿臣僚論其斷阿賈毆死鄒公事謬妄故有是

命 二月十二日詔福建提刑豐誼知建寧府陳倚並
差主管建寧府武夷山冲佑觀知建寧府浦城縣趙師
達追一官勒停巡檢耿懷忠降一官放罷縣尉方贊特
降一資放罷並坐浦城縣盜發不即收捕故也 二十
三日詔池州駐劄御前諸軍都統制李思孝放罷以殿
中侍御史林大中言其專事貪黷虐士卒而害齊民軍
民疾之如仇讎故也 二十七日詔潮州通判趙善伋
特降一官放罷以本路運判趙伯遇言其合當慮囚畏
暑憚行令吏人樊珙下縣乞取故也 三月九日詔新
知通州張仲梓新知江陰軍吳津並與宮祠以臣僚言
其貪汙也 二十一日詔新知利州宇文子震罷新任

以殿中侍御史林大中言其前任淮東總領及知鎮江
賊汙狼藉嘗遭降官勒停故也 四月七日詔知敘州
任濬放罷以本路運判劉光祖言其酷刑貪黷故也
同日詔知資州王公邁與閬慢差遣以本路運判劉光
祖言其治郡無狀故也 二十六日詔知臨江軍錢密
知邵武軍趙師造並放罷以臣僚言密郡政不理飲燕
度日師造貨賂交通郡政穢濁乞並罷黜故也 五月
十二日詔新江東提刑呂公進與閬慢州郡新知洋州
陳榛與參議官以臣僚言公進人物閬阨前為棘寺官
斷刑輕重失當榛人物凡俗在棘寺每斷一案必須飲
酒斗餘然後下筆輕率故也 同日詔廣東提舉劉坦

之知潮州丁允元並放罷臣僚論其貪酷也 十八日
詔知袁州黃劬降一官不得與親民差遣劬丁母憂不
行喪禮執留牌印支破官錢盡以入已及拖下月椿錢
不肯解發皆以妄用為本路運副鄭汝諧所奏也 二
十四日詔新大理司直陳顯公與閑慢差遣以臣僚言
其除授超躐故也 同日詔知蓬州馮俟放罷知懷安
軍張遷不許注授州軍差遣以臣僚言俟累政無狀專
事貪黷還冒于貨賄雖常平錢物亦復侵欺故也 六
月六日詔新知英州張茂遷差主管台州崇道觀以臣
僚言其貪墨不法累遭論列故也 二十二日詔權發
遣澧州萬良招放罷以本路運判薛叔似言其賣公庫

酒而不入經制私糴軍糧刻剝兵士貪狀寔露故也
同日詔大理少卿張縝差主管建寧府武夷山冲佑觀
以御史中丞何澹言縝天資傾險貪得好進遽為棘卿
舉動輕肆年來寺獄屢空聖朝不欲崇尚虛文不許拜
表稱賀而縝輒易其名為獄空頌以獻諛佞故有是命
二十四日詔前池州駐劄御前諸軍都統制李思孝
特降一官以殿中侍御史林大中言思孝軍中兵卒行
刦殺人事發思孝隱庇反誣縣尉石應孫鑿空撰造軍
情不安致其對換閑慢差遣近池州捕到賊雷二所供
乃知作過者皆軍中所管其誣罔可見故有是命 同
日詔新知興國軍胡介新通判紹興府韓杖新知臨安

府富陽縣張杰並罷新任以殿中侍御史林大中論介
嗜利無恥杖貪殘害物杰劫持濟私故也 二十八日

詔知徽州趙彥恂降兩官通判李法言盧瑤各降一官
並放罷以本路提刑傅伯壽言新安大災彥恂夜飲于
法言之居守倅皆醉救撲甚緩而又役使兵卒搬挈家
屬行李人力不給致其蔓延故也 七月七日詔利州

東路安撫司參議官權知金州林樞特降一官放罷通
判陳京特降一官坐本州遺火延燒官舍故也 二十

一日詔新知舒州李大下罷新任以御史中丞何澹言
其累政不以百姓為念一意掊歛以歸私帑故也 二

十五日詔新湖北提刑張玠罷新任以殿中侍御史林

大中言其驕橫陰險誕謾私任不顧是否故也 八月

五日詔差充平江府許浦駐劄御前水軍統領郭安與

罷統領改撥付殿前司降一等差遣以其盜取官場竹

木衷私使用及收受船脚錢入已為都統劉震所按也

七日詔內侍朱紹祖所為不法送永州居住 十八

日詔知信陽軍張安中別與差遣以臣僚言其頃知婺

源科罰聚斂及倖鄂州與吏通同取受賄賂故也 十

九日詔江西提刑吳宗旦鬱林州教授黃奕並放罷以

臣僚言宗旦前為廣西提刑巡歷本部奉法不虔並緣

自欺奕舊為宗旦館客相與評議輕率妄作重為廣西

之害乞並賜罷黜故有是命 二十九日詔知長寧軍

廖唐英放罷以本路安撫王卿月言其貪墨無厭故也

九月十六日詔知南平軍任庭實別與官觀一次理
作自陳以本路提刑毋丘恪言其昏耄無政聽從吏胥
招致夷人本軍界玩侮作過故也 十八日詔肇慶府

通判劉渙放罷以本路提刑方崧卿言渙權府日斷李
次易等罪不遵三尺恣情輕重故有是命 十九日詔

邕州駐劄東南第十三正將蕭世弼放罷以本路運判

朱晞顏言其不法三十餘事及詐作書自執印紙又

凌轢總管沙世堅動多悖戾乞賜罷黜故也 二十一

日詔大理少卿俞澈差主管建寧府夷山冲佑觀理作

自陳以言者論其斷刑之官而明審不足輕重不倫難

任延平故也 二十五日詔知嚴州葉壽放罷以臣僚
言其性本貪汙濟以苛酷專事掊克盡入私帑故也
十月三日詔新知台州魏欽緒新知復州祝大任並罷
新任皆以累任不法為臣僚論列故也 九日詔知南
平軍任庭實降一官放罷以制置使京鏜言其與夷酋
楊軫私相交結受其金銀蜜蠟乃令於禁路往來因緣
生心致其作過故有是命 十八日詔常州通判陳大
光常熟縣丞傅巖並放罷以提舉常平言其心術傾險
見於政事刻薄掊歛故也 二十日詔知永州趙善堪
降一官放罷以本路運判陳傳良言其以刻薄之資行
苛擾之政專務聚歛公為欺誕故也 二十八日詔主

管建寧府武夷山沖佑觀唐叔玠特降一官放罷以臣
僚言其前知舒州私鑄鐵錢過於正額之數故也 十
二月三十日詔內侍楊皓懷姦兇恣莽杖十五刺面配
吉州黃邁私相朋附杖八十編管撫州繼而皓送撫州
居住邁送常州居住 三年正月四日詔權發遣茂州
王師雄降一官放罷本州司戶孫粹中知崇慶府晉原
楊孟為放罷以四川制置言師雄身任邊守公肆貪汙
暴橫不法粹中民訴其挾州郡之勢動輒妄作孟為疆
很苛虐視民疾苦累不加恤故有是命 六日詔劉焯
與宮觀差遣張濤降兩官錢之望許及之降一官坐部
內行使私鐵錢故也 二月八日詔知茂州龐觀放罷

都大提舉茶馬司言其凡遇綱馬到管下驛舍不批草料抑令百姓出備綱馬因此病斃故有是命 十九日詔知和州張士元放罷以言者論其鐵錢科糴粳米殘虐侵剝鑿空生事流毒一方乞賜罷黜故有是命 二十七日詔前知茂州王師雄降兩官勒停令見勘官司疾速具案聞奏以御史郭德麟論其兇暴直入制置使帳門公肆毀罵有臣子諱聞之語師雄陵犯制帥之罪當先追勒其賊汙不法從所委監司從公勘結具案聞奏別賜施行故有是命 三月二日詔淮東提舉司幹官李模降一官放罷以臣僚論其恣橫兇暴自使比為異類故也 同日詔承議郎蔡松降一官與遠小監當

差遣松係年五十以上不曾銓試中之人引赦乞知長
林縣銓曹以其非殘零窠闕不應注授松乃直造公廳
高聲無禮尚書趙汝愚劾之故有是命 九日詔前平
江府許浦水軍統制陳緒降兩官羊滋展三年磨勘以
本軍都統司言緒等閑借官錢令將官董端等在外販
賣私鹽故有是命 同日詔興元府屯駐右軍統制程
繪降一官坐私役軍兵故也 二十三日詔階州司理
蓋百藥降一官放罷知福津縣宇文景仁降一官以本
路提刑朱致知奏百藥昏繆不職將平人李百三等妄
指為賊拷打寒凍不恤致其左脚及指節零落時宇文
景仁權攝獄事亦縱容拷訊故有是命 二十七日詔

持服人承奉郎韓休降兩官勒停承奉郎韓杰降一官
展二期敕承奉郎韓本宣義郎韓相各降一官並坐不
辨父彥古葬事互有論訴故也 四月十日詔建康府
簽判趙公砵差主管台州崇道觀江東安撫司指使龔
汝弼降兩官汝弼監本府酒庫盜酒入已數目不贖公
砵提舉酒政首為不法公受庫中私餽並為守臣劾之
故有是命 十二日詔知資州范仲虎差主管台州崇
道觀知榮州張安之降一官放罷以制置使京鏜奏資
榮二州旱饑仲虎則繆懦無措安之則貪狼不恤視饑
民流離死亡畧不介意仲虎却無顯過安之畧無顧藉
故有是命 十九日詔太學博士祝禹圭與外任以言

者論其專事啓吻人皆畏之至其居家尤無行檢身嘗
出妻物議所薄故有是命 五月二十四日詔第十二
副將宜州駐劄馬德降兩官放罷宜州樓界諸蠻每乘
秋冬水淺出沒省地至春深江漲方乃寧息德受帥司
檄將帶軍兵上邊巡緝隄備乃逗留畏縮去住自由為
帥臣奏劾故有是命 六月一日詔前知邵武軍趙師
造降兩官司理參軍張令照降一官放罷師造前知邵
武日接奏建寧知縣韋潛心不法七項其六無實迹縱
容獄司假作干照肆為欺罔以應元奏令照奉承郡守
之意昏繆任吏有同兒戲全不覺察並以臣僚論列故
有是命 十四日詔大理評事胡興祖放罷新知隆慶

府閩正孫新知臨江軍黃直中並罷新任以侍御史林
大中言興祖於刑法旨意情不通曉四方奏案假手一
斷刑法司每月分已俸以給之正孫兇險可畏知嘉州
益無絕檢直中貪鄙侵欺水脚錢驚賣漕試故也 二
十日詔前閩門祇候尉端信降兩官除名端信母瞿氏
身故不解官持服冒請俸給故也 二十五日詔温州
通判傅闕坑治司檢路官將蓋各降一官放罷願被檄
往處州審問大辟其所帶人從販賣私鹽傳願全不鈐
束因致捕捉殺死人命麗水縣有銀礦興發爭訟未已
蓋輒令坑匠採取致爭鬪殺人提刑陳倚劾之故有是
命 七月十九日詔罷知文州王沆新知梅州陳友聞

知簡州平泉縣李材甫以言者論沈前知梁山軍百姓
訴早不惟却其狀至有蕪捷而遣逐者制司發米瀘南
俾其賑濟亦復不肯賑取友間前為廣州增城縣專事
科罰以濟貧嫠材甫不受人戶申訴早荒及人戶訴于
本州州中制漕兩司共捐一萬緡與減放人戶稅米材
甫乃申兩司謂稅米若行減放恐妨其他催科故有是
命 二十五日詔建康府駐劄御前軍步軍統制王師
道與官觀坐不覺察本軍軍器致庫子將帶甲黑布衲
襖解典為都統趙濟所劾也 八月二日詔保寧軍節
度推官趙善謙降一官放罷本州委善謙措置發泄糗
酒乃與吏人作弊及借貸官錢入已守臣趙師龍劾之

故有是命 六日詔通判臨安府方傳與官觀理作自
陳守臣素說友言其年未得疾精神短弱官事盡廢盡
出吏手難以協濟郡政故也 同日詔邛州臨邛縣尉
素大明降一資放罷大明被檄為雅州秋試考官將重
疊押韻卷子作合格取放本路運判王溉劾之故有是
命 十三日詔武岡軍簽判薛大圭放罷以守臣李浩
言其凌上忽下貪財妄取故有是命 十四日詔武功
大夫張彥臣降授武畧大夫武功大夫濟州防禦使霍
汝翼降授寄資武功大夫遙郡刺史皆坐弛慢不職故
有是命 十八日詔前襄陽府宜城縣令持服錢逖降
兩資候服闋日與遠小監當差遣逖居天台貸米穀與

逃軍周念二等令各持兇器護送私鹽藏於其家為縣尉捕獲本路提舉黃唐言之故有是命 二十六日詔入內內侍省內侍高品李元美降兩官放罷與轉歸吏部坐在任不法故也 二十七日詔知紹興府新昌縣唐叔翰放罷以守臣趙不流提舉黃唐言其繆戾權移吏胥違法害民征斂太亟刑罰太苛乞賜罷黜故有是命 二十八日詔入內內侍省西頭供奉官睿思殿祇候修內司承受毛居實送真州編管坐禁中語言不遜故也 九月二日詔江東提刑司檢法官向公擇放罷以臣僚言其貪縱不法無禮使長故也 十六日詔荆湖北路兵馬副都監澧州駐劄董傳才放罷以守臣王

正功言其貪恠狠傲侵撓州權少不如意即加謗譏而又恃其兇暴肆為不法故有是命 十月十八日詔前隨州隨縣尉邢彥文降一官坐在任日透漏白銀銅錢故也 二十五日詔新知袁州呂行已差主管台州崇道觀理作自陳以臣僚言其貪婪不法背公營私耽樂宴飲科需倍剋項目甚多故有是命 十一月九日詔利州兵馬都監馬衍子新監文州在城商稅君錫各降一官放罷本路運判楊王休言行癘兇昏愚非理酷刑及造誣辭汙蟻長官君錫抗拒府吏持仗傷人乞並罷黜故有是命 十六日詔太平州采石鎮屯駐本司水軍統制郭師彥降兩官令本軍自効以本軍都統趙濟

言其不覺察將官田廣科率所部連遭隊伍之人陳訴
及總領鄭湜言其委有掊克事迹士卒不堪頗有斷手
自斃者故有是命 二十五日詔直敷文閣主管建寧
府武夷山沖佑觀史彌正落職罷官觀明州有富民屬
雄者迫脅佃戶諸百十五自刑彌正與李唐佐高俶詐
欺雄官會為請求守臣高愛欲從未減愛因劾之故有
是命 十二月二日詔前成都府路提刑王齊與罷新
任江東提刑瀘州通判張恂安撫司幹官郭仲溥並放
罷內仲溥降三資兵馬都監高適降兩官放罷今後不
得與親民差遣並坐瀘州軍亂措置無策為制置使邱
密奏劾也 十七日詔保義郎李珙降一官坐置大樓

上不用心有顧致延燒民居四百六十餘間為察官論
列故也 四年正月十四日詔右文殿修撰知明州高
夔降一官與過郡以本路提刑陳倚言本州勘屬雄迫
脅佃戶身死事夔姪仍受屬雄錢物一千七百餘緡既
敗露夔隱而不言故也 二月八日詔新知廣安軍趙
楫罷新任以本路運判王溉言楫天資狠戾至老不衰
專以聲勢氣焰侵凌長吏故也 三月四日詔殿前司
右軍統領靳周降一官仍降充左軍正將以本軍統制
張壽昌言周將本司告報文字不行簽押用筆毀抹犯
分無理故有是命 十七日詔鎮江府駐劄御前中軍
統領馬世福降兩官充副將以都統閻世雄言世福因

部押人馬往楚州出戍輒於戍所一意營私侵盜官錢
剽歛將士有害軍政乞行責降在軍使喚故有是命
四月二日詔新夔路提刑王樸新差知珍州施次尹並
與官觀理作自陳以制置使邱宙言樸昏老嗜酒言語
失度前知閬州初無治狀且乏廉聲次尹素非良士屢
以贓敗乞並罷新任故有是命 八日詔隆州通判張
兼放罷本路提刑楊王休言兼將經總制轉移項目別
置私厯肆行貪饕侵欺入已故有是命 十六日詔准
東副總管楊州駐劄馬定遠與官觀以守臣錢之望言
舊例副總管每遇大閱必操甲入教場身先士卒定遠
當春天閱乃謁告不出偃蹇失職故有是命 二十五

卷一百一十五

四

日詔常德府通判趙善彥降一官放罷以本路提刑張
瑛言其臨事浮躁侮慢守長侵盜官錢以資妄用乞賜
罷黜故有是命 五月二日詔前軍統領田俊邁免根
勘特追兩官勒停田允濟特降一官以本軍都統制王
宗廉按發俊邁有入已贓四川制置司體究未上也
四日詔祁州團練使入內內侍省副都知李彥正明州
觀察使入內內侍省押班楊舜卿各降一官坐職事缺
慢故也 五日詔判太史局吳澤荆大聲劉孝榮周端
友各降一官並以文德殿鐘鼓院供進更鼓差錯職事
不謹故也 七月八日詔知容州宋翊與官觀以本路
諸司言其生事科擾乞賜罷黜故有是命 九日詔新

東南第十一正將廣州駐劄翁進罷新任以知宜州沙
世堅言進兩為副將並以凌鑠恣橫敗壞軍律乞賜罷
黜故有是命 十九日詔知邵州胡澄與辰二年磨勘
錄事參軍權通判推官兼璿司理參軍權判官李邠各
降一資以本路提刑言其兩年之間兩獄瘦死獄囚至
多如段齊誣告之獄追逮淹繫殆將一年死者亦至三
人故有是命 八月三日詔泉州同安縣尉鍾安老追
兩資勒停錄事參軍鄭繼功降兩資放罷以本路提刑
盧彥德言安老將竊盜三人換作強盜一十一人覲圖
推賞繼功鞠獄徇情輕視人命輒將竊盜八為死罪故
有是命 同日詔知西和州喻文然放罷以四川制置

使邱密言其徇情廢法故有是命 二十四日詔知復
州程渭老新知惠州梁揚名並放罷以臣僚言其刻薄
貪暴故也 九月十三日詔知湖州趙充夫放罷以運
判王厚之言其不法故也 十一月九日詔池州駐劄
御前中軍統制崔公亮降充江州都統司統領以前軍
部將中行訴其提點諸處營運息錢惟務峻急以彌縫
主帥之意納錢稍遲輒加箠決極其苦楚故也 十一
日詔知閬州樊漢炳放罷以侍御史張叔椿言其撻斂
賊汙故也 同日詔光州通判事兼知州萬俟卨降一官坐不
覺察姦民越淮作過故也 五年正月二十一日詔臨
安府通判楊文舉特展二年磨勘臨安府湖州巡轄馬

遞鋪使臣梁青特降一官並以本界遞兵違滯金字牌時刻故也 二十九日詔賀州通判張適臨江軍通判李鼎之並放罷內張適永不得與親民差遣以臣僚言適擅賣官鹽及指改封樁庫文曆侵盜官錢入已鼎之信任吏輩交通關節專肆誅求故也 二月七日詔新知常德府趙廩與官觀理作自陳以臣僚言其癡駘小子初不知書觸事面墻累汙白簡難任寄故也 十七日詔興州都統司計議官王公沂放罷以四川制置使邱富言其因都統吳玠身故招權生事率意更易事務軍中籍籍幾至生變乞行罷黜故有是命 十八日詔知贛州信豐縣趙善蒙放罷以守臣林大中言善蒙上

不能律已次不能決訟下不能理財若復付以縣寄必
為百里之害故也 四月十三日詔衡州通判王恭之
放罷以本路提刑言恭之擅在本廳私置文牒拘收人
戶免倍稅牙契錢取撥兌借動以千計故有是命 二
十五日詔知建寧府浦城縣鮑恭叔降兩官放罷永不
得與親民差遣以本路提刑趙像之言恭叔妄將平人
毛少直勘作大辟故有是命 五月二日詔知辰州林
洪放罷以臣僚言洪本州敘浦縣管下徭賊入省地作
過不能措置又不即時開報諸司致其擾害委為不職
故有是命 二十日詔四川制置司幹辦公事李協放
罷以制置使言恃酒無禮慢罵也 二十八日詔知鳳

州郭諮罷知州事依舊興元府御前右軍統制通判郭公緒放罷以本路諸司言諮等各持異議互相矛盾在州官屬分明立黨競為間諜郡事廢弛故也 以上光

宗會要

紹熙五年七月二十四日知臨安府王厚之

放罷以臣僚論其好任私意肆為異說聞於聽訟短於治劇 二十七日幹辦內東門司符滌別與差遣以臣僚論其得罪太上皇帝難令再入泰安官供奉 八月

五日拱衛大夫永州防禦使入內內侍省押班陳源放罷與在外官觀仍送撫州居住追三官勒停親衛大夫清遠軍承宣使入內內侍省押班林億年放罷與在外官觀仍送常州居住降三官右武大失明州觀察使入

內內侍省副都知楊舜卿故罷與在外任便居住仍降
三官先是臣僚言源等離間兩宮中外切齒並罷職與
祠既而臣僚再論其讎復官聞幾危社稷物論未平復
有是命 同日保安郎郭儀翰林醫知李九齡翰林醫
痊府仲堅各降一官以監察御史楊大澹言儀等所進
壽皇聖帝脉狀庸謬也 二十七日祕書郎曾三聘故
罷以左司諫黃父言三聘徇諸宰執臺諫侍從之門傳
遞言語 十月二日國子監丞劉大臨軍器監丞曾祕
太府寺丞任清叟宗正寺主簿李友直並與外任以臣
僚言大臨氣習麤暴祕資粟凡庸清叟趨向卑下友直
年昏耄 同日少保觀文殿大學士元醴泉觀使衛國

公留正罷職名以臣僚言正私心既勝公道不立潛出
國門不顧君父暨加召用徑入都堂畧不遜避 二十
三日起居郎沈有開與宮觀以臣僚言其回邪護謫阿
附勢要 閏十月二日尚右郎官瑩誼放罷以右諫議
大夫張叔椿言其凡所居官悉無善狀 三日刑部侍
郎梁總與郡以臣僚言其天資猥俗志趣凡下在版曹
則不肯任責通國信則所用非人 十二月九日中書
舍人陳傳良與宮觀以御史中丞謝深甫言其茆護卒
弃疾依託朱熹 慶元元年二月五日殿前司前軍統
領楊世雄降兩等差遣以主帥郭杲言世雄軍律不修
致令士卒為盜 二十一日遣中使以章示右丞相趙

汝愚出國門以臣僚言其任情恣行恬不疑畏雖官寺
庶僚折東交於都堂之上不顧大臣之體 同日右軍
統制陳成祖特降兩官以鎮江都統制閻世雄奏成祖
不即捕捉本軍官兵薛頌等劫盜居民故縱不職 二
十四日朝散大夫權工部侍郎知臨安府徐誼放罷以
監察御史劉德秀言誼素無士行河附權臣詞狀淹積
盜賊公行 二十五日權兵部侍郎章穎與官覲以言
者論穎反詆臺諫附下同工無所忌憚 三月二十八
日新除直龍圖閣湖南運副李祥國子博士楊簡並放
罷以臣僚言祥誣事權臣素無蕪聲簡專事虛偽初無
寸長 四月二日宣教郎太府寺丞呂祖儉朋比罔上

送詔州安置 二十七日樞工部郎官田澹放罷以侍
御史楊大澐言其天資陰險越操凡陋論說橫議播紳
共駭 六月三日司農主簿張鉉放罷以臣僚言鉉與
叔宗尹交爭沙灘 同日國子博士孫元卿國子正陳
武太學正袁熒並放罷以臣僚言太學暗號私取之弊
此三人者實為之 十九日國子司業汪達放罷以臣
僚昨論三人罷黜達輒入奏辨明 二十六日武節郎
前軍統領魏知常特降兩官放罷坐減剋軍食入已凡
事恣縱有害軍政 七月十四日觀文殿大學士銀青
光祿大夫提舉洞霄宮趙汝愚落職朝請大夫樞尚書
刑部侍郎鄭湜與郡朝奉郎監察御史吳玠官觀秉義

郎差知濠州張致遠放罷以臣僚言汝愚自恃有恩玩侮君上鄭湜卓制乃深懷薦引之恩巧作謫佞之語吳獵不避交通之跡公然上疏乞止宰相掩擯之行武臣張致遠受其親密之指朝辭上殿乞宰相兼樞密使故有是命 二十四日朝奉郎吳獵罷官觀降兩官以臣僚論獵前居風憲阿附權臣 八月六日壽康宮齊思殿祇候提轄造作罷孝德降兩官放罷以應奉不謹也 二十三日左司郎官李謙放罷以臣僚言謙都司機務率意妄作同列畏其兇熾弗敢措辭 同日內侍徐考叔送郴州居住坐扇搖宮禁故也 九月二十八日權戶部侍郎薛叔似放罷以言者論叔似諂媚權臣同

惡相濟

十一月一日武學博士蔣耒叟放罷以殿中

侍御史黃黼耒叟叨掌殿廬點檢試卷擬陳亮試卷
在首選亮引需卦咥君父 二十四日銀青光祿大

夫提舉洞霄宮趙汝愚責授寧遠軍節度副使永州安

置朝散大夫徐誼責授惠州團練副使南安軍安置以

臣僚論汝愚昨者太上有疾故於重華過宮之禮稍失常度

汝愚乃與其徒暴揚君父之失上書肆言意在動搖

二十五日少保觀文殿大學士充醴泉觀使衛國公留

正統職罷祠祿以臣僚言祖宗以來宗室不得參預機

改正輒破壞成法當幾危之際反倚偽學為助驅去復

耒無廉無恥 二年三月十二月大理寺正羅克開寺

丞陳省壽、大宗正丞范孫並放罷。以言者論三人日夕敲扇縱飲無度，凌蔑長貳，畧無上下之分。同日朝請郎試太府卿總領淮東軍馬錢糧葉適降兩官放罷。以臣僚言適阿附權臣，過從偽黨，誣讒君上。十三日吏部侍郎同知貢舉倪思與郡以監察御史姚愈言思有鄉戚莫泳、莫撫投牒避親，自當照條揭示就試別院，乃作圖融私取，遂致衆士籍籍。六月三日大理寺正陳景俊罷黜，以侍御史黃輔言景俊頃為許事奔走權門，躡遷丞正。七月十一日秘書丞兼司封郎官邵康與閻慢差遣，以臣僚言康兼禮部郎官，凡撰朝廷箋奏文字全然荒謬。二十九日中書舍人宋之瑞放罷，以侍

新傑史姚愈言之瑞任掖垣之職蓋以文詞鼓舞天下而於誥命畧不知有輕重指非為是指是為非以亂天下之公論 八月十三日詔權兵部侍郎黃黼放罷與祠祿以臣僚言黼昨為臺端因被御札不必言人傷事同官姚愈等欲與同具奏回天聽却乃峻拒續遣人取劉繫銜潛入一劄小帖稍符臣等之說人皆駭聽 十一月二十二日祕書省正字陳晁令試邑以臣僚言其舉員已及格匿不改秩希求清望官 十二月九日大理少卿張濤罷黜以言者論濤因周樸狂妄鼓衆上書鞠之天獄平昔與偽學之黨同惡相濟 二年正月二十八日太府少卿權戶部侍郎沈詵與官觀以監察御

史張伯瑛言訖倨傲自尊每聽吏言為之緩急任情自用郎官無所容其喙 二月二日左司郎官鄭公顯放罷與官觀理作自陳以言者論公顯資稟傾邪專事阿附自外官得厠周行又復營私薦越轉官 二十五日昭慶軍承宣使入內內侍省押班王德謙與在外官觀日下出門仍降三官改送撫州居住以監察御史張伯瑛等言德謙不循分守僥求節鉞破壞成法畀以外祠既而臣僚再言德謙罪惡貫盈賊汙狼籍罔上弄權尚叨外祠中外洵洵故有是命 二十九日中書舍人兼直學士院吳宗旦特降三官送南康軍居住以臣僚言宗旦居鄉恣橫當官貪婪阿附王德謙為作麻制 三

月二十八日閤門舍人范珏放罷以臣僚言珏素無行檢每遇飲燕必擊盞而歌召試閤職大理紕繆四月二十五日大理評事滕安辰二年磨勘與在外差遣坐上殿失儀同日國子錄吳仁傑與簽判差遣坐浮躁嗜進二十七日入內內侍省西頭供奉官梁允中降一官坐奉大祀執事不恪監察御史糾察閏六月二十二日少保衛國公留正責授中大夫光祿卿分司西京邵州居住內降制留正口正而心邪色厲而內荏囊要君而固位專植黨以盜權八月一日太中大夫試禮部尚書傅伯壽與宮觀以其元不曾控陳補外所言欺罔十月十八日閤門宣贊舍人趙嵩降一官不理

今赦敘復坐紫宸殿撥引使人喫食差錯失儀 二十
七日朝奉大夫提舉江州太平興國宮章穎罷宮祠以
臣僚言國之姦逆一日趙汝愚二曰留正而章穎者正
之鷹犬汝愚之爪牙 以上寧宗會要 慶元三年十
一月二十五日責授中大夫光祿卿留正責授寧遠軍
節度副使趙汝愚責授惠州團練副使徐誼韶州安置
呂祖^檢復官量移指揮更不施行以臣僚言此四人負
罪深重不應用赦 十二月二十二日大理評事薛極
降一官以臣僚言極看詳刑名反覆失錯 四年正月
十一日武顯郎右軍統制李輔周特錫兩官降充將官
以馬軍司奏輔周非理科數管事人周官材植起造私

宅 十五日通判臨安府潘好恭放罷以臣僚言好恭
性資貪殘老而益甚累經罷黜畧不悛改 十八日內
侍霍誥夫追兩官送吏部與遼小監當日下押出國門
毛居實蘇邦佐任邦俊各特降一官以誥夫擅取府思
殿庫官物入己餘並坐不覺察 二十七日新除尚左
郎官彭演寢罷差知贛州以臣僚言演未經作郡徑除
監司遽叨郎選故有與郡之命 二月十四日中亮大
夫保康軍承宣使錢內侍省都知霍汝翼與在京官
觀以臣僚言汝翼蒙蔽男誥夫盜府思殿庫官物入己
同日朝請大夫起居郎張貴謨差主管建寧府武夷
山沖佑觀以臣僚言貴謨陰邪姦險惟務柔佞 二十一

四日本常博士吳時顯放罷以言者論時顯累政貪汙
不宜置於清選 四月二十五日軍器監主簿洪楨放
罷以殿中侍御史張釜言楨人物鄙猥居家無行醜聲
外聞人所不齒 五月十三日壽康宮提點官楊端友
降一官放罷提舉官張彥臣提點官王思恭各降兩官
以臣僚言壽康宮門禁_{不嚴} 六月五日起復武功大夫榮
州刺史主管侍衛步軍司公事張國珍特降兩官坐昨
任許浦水軍統制修葺舟船減裂 八月十九日正侍
大夫昭信軍承宣使提舉佑神觀壽慈宮提舉閔禮放
罷不許入國門仍降兩官先以臣僚言禮乃王德謙之
妻父同惡相濟罪狀昭著今又為妻之弟傳昌世於未

參部之前經營出給料錢文厯愈無忌憚是以罷黜既
而臣僚再論禮欺君罔上隳廢祖宗成法故復鐫秩
九月十二日司農寺丞張鉉與宮觀理作自陳以臣僚
言鉉本娶劉氏累年一旦棄之初無可出之過繼娶鄭
氏乃其弟婦楊氏之女天下豈有母子自為姊妹之理
同日俞茂系已降四轄指揮更不施行以臣僚論其
不曾作邑巧於于求破壞成法 十月二十六日修武
郎武鋒軍統領官王下鐫一官降充準備將以守臣蔡
必勝奏下不恤軍務掎欽酷刑將士怨憤 十一月十
一日選鋒軍統制郭公亮鐫三官降充自效以主將郭
倪奏公亮身為統制所部正將楊威通同作弊有害軍

卷三十八九十一

政 五年正月九日成忠郎特添差幹辦儀鸞司潘玠
特降一官坐袂衣出儀鸞司門 十九日王益祥陳與
行新除架閣指揮追寢以監察御史張巖言前建康教
授王益祥陳與行同惡相濟每臨月試漏題賣鸞至於
冒名破食拮剋齋用錢盡以歸已為師儒如此安可當
此美擢 二月十三日武畧郎幹辦皇城司李謙特降
兩官坐牒試武舉人葉拱辰林善勝用皇城司印記取
會隱諱供說異同 三月三日禮部侍郎胡紘放罷主
管官告院徐似道降一官放罷以監察御史程松言宏
辭命題紘實據斷今題不合典故古題出處不一紘獨
指一出以告同列所取試卷體格非是似道方登朝行

輒敢附會胡紘結為黨與蔑視同僚 四月二十二日
祕書省校書郎李璫大理評事錢奉並放罷以臣僚言
璫父璽卒外官朝廷厚加贈送不滿其欲兜攬巨商所
過捽辱務官尤璫郡守奉曩倖建康攝郡交通關節賊
汙弗可勝計 五月二十三日軍器監簿俞亨宗放罷
以右正言陳自强言亨宗外事矜持中懷凶詐近為省
試點檢試卷官批鑿鹵莽 二十五日司農寺丞潘子
韶放罷以監察御史程松言子韶始與王大過輩俱將
使指分道點檢軍器倉庾輒獨走荆鄂襄漢之境所至
受餽狎暱宴飲循私騷擾靡所不至 六月八日知臨
安府丁逢放罷與官觀理作自陳以臣僚言逢為尹京

畿府側居民被火破家從吏留火術之請萬口嗟怨絕
無憂民之心 七月二十五日新除大理評事費堃指
揮寢罷以臣僚言堃監雜賣場門彊買香貨出賣客人
所得倍利以為馬下吏遣實為已私 八月二十六日
新除大理正高諫之放罷以臣僚言諫之昔任宜春專
任客吏惟私是營每造什物動輒百計遂致帑捲 同
日權禮部侍郎何異放罷以臣僚言異頃為奉常與張
鉉厚密燕觴狎婢既留正去國異在言路卒無一語之
彈寘之禮待尤為罔上 二十八日後軍統制成彥節
追兩官放罷坐掊剋軍士盜用官錢有壞軍政以建康
都統趙夬奏故也 九月十四日右軍統制雷霄特降兩

官充副將坐貪婪不法凌辱士卒隳壞軍政以興元都
統制田世輔奏故也 十月十二日已降六院指揮潘
景連已除架閣指揮楊炎正新除主管吏部架閣張時
舉並寢罷以臣僚言景連駟僧有餘貪冒無恥憑恃豪
富以妻得官炎正浮躁淺露使氣傲物妄以臆說譏詆
前輩時舉天資貪鄙至老不悛三為教官所至依籍
六年正月九日大理卿趙師炳放罷與官觀理作自陳
以臣僚言師炳昏繆精力不逮 二十六日安遠軍承
宣使入內侍省都知甘暘放罷日下出門送永州居
住仍降兩官以臣僚言暘輒敢援王德謙例僥求官職
營建大第工役取辦於內司花石竊移於御苑納宮人

以為寵憑恃威權寖干國政故有是故既而以給事中
范藝言為罪惡既明責罰未盡公法之所不容於是又
降兩官 閏二月五日司農寺丞許開放罷以臣僚言
開天資狼狽專事叨躁議論不顧是非惟務橫說恐亂
衆聽 三月四日大理評事向公擇放罷以臣僚言公
擇累汙白簡苟賤無恥不能守法律已豈能持法律人
二十七日朝請大夫王斐朝請郎李正通奉議郎張
頴新除六院指揮寢罷以臣僚言三人者衆所不齒所
至姦汙 四月二十五日中書舍人張伯瑛放罷以侍
御史汪義和言伯瑛叨列中舍專招鄉人代辭識者莫
不切笈 二十六日權知閣門事趙延放罷與添差總

管差遣以臣僚言延典頌上閣妄自尊大資格未及妄
意希求五月四日復少保觀文殿大學士衛國公致
仕留正恩命寢罷復元官致仕以監察御史林采言正
懷姦植黨亂法竄身伺變欺時背君負國惡積罪大幸
免誅流尚冒觀文學士之大稱又少保衛國不當以之
賞二十八日王仁周正己降六部架閣指揮寢免以
監察御史施康年奏二人者皆貪黷彊悍狠愎賊汙
八月二日祕書丞兼權司封郎官黃聞放罷以待御史
陳謙言聞資本闖革貪鄙險躁冒居清列不知進退
九月二十二日太常丞兼權貪部郎官陳廣壽放罷與
宮觀理作陳以臣僚言廣壽居鄉則恣橫在朝則貪墨

容臺蘭省實玷清班 二十七日中軍統制張師旦降
兩官放罷以侵盜官錢公務弛廢鄂州都統制趙淳奏
故也 十月十五日大理寺丞新除刑部員外郎錢縈
識趣卑汙情不更事成命初領士論沸騰 二十一日
右曹郎官趙善義放罷坐奉使金國生事 嘉泰元年
二月八日軍器監王炎放罷以侍御史陳謙言炎心術
詭譎趣向貪鄙交結僞徒賡酬詩句考試上庠不獨私
取知傷其子亦在選中 十二日少傅觀文殿大學士
周必大特降一官以監察御史施康年言比年以來僞
學之徒無所忌憚深根固蒂皆緣必大尚享亞傳之崇
爵祕殿之隆名望賜錫褫俾中外皆知其倡僞植黨欺

世盜名 十三日右軍統制梁繼特降三官充副將坐
移易官錢科抑軍士專務營私不顧廉恥以興元都統
制郭杲按劾故也 三月二十三日太學博士王克勤
留駿並放罷與宮祠理作自陳以臣僚論二人素無士
行且乏廉稱並置清華之塗士論切齒 四月四日觀
察使石武大夫主管侍衛步軍司夏侯恪降兩官放罷
以臣僚言楊浩家遺火延燒臨安城內民居殆十餘里
恪酣酒未醒全不招呼救撲遂成大禍 五日武節郎
御史臺六察點檢文字楊浩特除名勒停追毀出身文
字免真決刺面配萬安軍永不得放還以右諫議大夫
程松言浩家遺漏其夜舉家張樂飲酒况於廟巡急欲

救撲其子執行叱罵箠打不容入救遂致延燒被禍者
不知幾萬家死者不知幾何人若依常法則民何負故
有是命 五月三日春官大夫判太史局吳澤隨龍春
官大夫判太史局特差御前祇應荆大聲夏官大夫判
太史局周端友各特降一官以臣僚言揆象亦為重任
必須步占先事為詔告欲人君預聞修省也今都城遭
漏非小變也太史自宜前期占聞于朝而此輩尸位素
餐喋無一語故有是命 二十七日監惠民藥局夏允
中放罷押出國門坐妾入劄子與朝廷臺諫援引文彥
博故事乞令韓侂冑為相 同日太常寺主簿王柵國
子錄王保大並放罷以侍御史陳謙言柵公試偶預考

官輒用私意取鄉人為內舍文理紕繆保大每遇私試
全不用心考校試卷恣情改抹二人皆非吉士不宜使
玷朝列 二十八日持服保大軍節度使李孝純持服
奉寧軍節度使李孝友各特降一官其帶恩數依承宣
使體例善輜善潰並罷率府職以監察御史施康年言
孝純淳熙間因作東宮偽印文帖補官吏孝宗大怒編
置寧國繼毆人死錫秩勒停光宗登極改正既登上閣
前愆弗改孝友者悖理違禁攬山地為墳彊取民山
竹木武康之民銜冤不已善輜善潰寓居恬養僧舍寺
之田產占為已有今冒宗班尤為貪酷乞將四人重錮
庶俾改過自新故有是命 七月三日太中大夫權工

部侍郎兼知臨安府趙善堅與宮觀理作自陳以臣僚
言善堅叨尹京都初無善政都城遺漏遂致燎原由平
時備不先具葦小騎屋縱煙說言恐衆不能彈壓故有
是命 八月二日前通判臨安府趙彥傑永不得與親
民差遣以臣僚言彥傑服闋從吉仍圖再倖天府然而
貪黷無恥繆狀顯著尚何面目而再見吏民故有是命
二十六日權刑部郎官李直柔通判臨安府龔準並放
罷以臣僚言直柔賞緣棘丞遂攝刑部詞訟紛劇情然
不曉準今倖天府尤不循理奉法遇攝郡事恣情曲斷
十月十二日入內侍省詹思殿祇候鄺安仁與轉
行遙刺指揮寢罷以給事中張巖言安仁以年勞乞轉

遙刺勘會所理年勞即不係授武功大夫之後歷過月
日資歷未久況職事弛慢兩增錮降十一月三日殿
前司後軍統制劉端仁降三官放罷以臣僚言端仁比
因回祿內侍等人挈箱籠什物赴教場避火火勢益熾
端仁坐視不救止殿已物下船內侍等乘此殿下船間
則掩為已有人號曰劫火統制緩急之際豈不悞國故
有是命二年正月十七日右武大夫宜州觀察使知
閣門事兼樞密都承旨王知新與官觀理作自陳以監
察御史鄧友龍言其精神衰憊貪爵慕祿老不知止
二月十二日中書舍人兼侍講萬鍾放罷以殿中侍御
史林采言鍾所陳二劄一謂上恭默太過一謂開極已

成園田為不便皆欺君罔上 二十六日前內侍押班
王德謙送新州居住以監察御史陸峻言其竊弄威柄
姑從竄責妄誕簧鼓營求復還 三月二日左軍統制
玉寧降兩官降充副將以殿前都虞候郭倪言其多破
陣馬冗占白直偷減草料盜取官物 五月十一日新
除左曹郎官唐弼與宮觀以殿中侍御史林采言其巧
計取官貪謀致富 七月十七日主管官告院胡坦提
轄文思院黃謙並與在外合人差遣以監察御史張澤
言坦謙忍恥待遷不知進退 九月八日權工部侍郎
兼戶部侍郎沈作賓放罷以臣僚言其帥浙東則收御
無術漕畿內則一意徇私兼貳民曹受成吏手久居禁

近無所建明 十一日監都進奏院陳士廉放罷以臣僚言其備論偽學言無大理肆矯誣之私說破臺諫之公論 十月十二日吏部郎中彭演放罷以右正言鄧友龍言其自贛守移即五羊支破萬緡掩為已有及帥廣東所獲以數萬計 同日刑部郎官宋思遠放罷以監察御史朱欽則言其擁麾臨汀畧無善狀備員外郎假公行私 十一月十八日閣門舍人充賀金國正旦副使楊明輝降兩官放罷以輒受三節人賄賂 二十日主管官告院孫鉷放罷以臣僚言其身為朝士放債規利 十二月二十九日新國子監書庫官趙師蒼罷新任以殿中侍御史張澤言其因私酒敗獲必欲求勝

彊橫健訟凌壓官司 閏十二月十一日司農寺丞王
居安太學博士解邦俊各與祠祿以臣僚言居安考校
私試所取必占前等同列莫敢與爭邦俊橫經廣坐乃
謂今時之士急於進取恥談中庸 二十八日新除宗
正少卿章良能罷新命以臣僚言外議咸謂良能外補
實因鄧友龍在臺日嘗欲論列今友龍因此出臺良能
且將復至已而果然故有是命 三年三月九日前權
鋒軍統制曹知言特追兩官令本軍自效以殿前司言
其侵盜官錢 五月十八日太常少卿薛紹興與官觀理
作自陳以左司諫宇文紹節言其推顏奇塞上誤東拔
二十一日兵部侍郎虞傳與官觀理作自陳以監察

御史林行可言其嗜進貪得 二十六日刑部侍郎曾
炎與宮觀理作自陳以監察御史陸峻言其多詐不情
嗜進奔趨 七月二十一日軍器監主簿秦城與在外
差遣以臣僚言其人物凡陋 八月二十三日太學博
士秦榛大理評事徐瑄並放罷以右正言楊炳言榛憤
於考校瑄同列不和 九月十九日禮部侍郎王容與
宮觀理作自陳以侍御史陸峻言其反覆無恥 十二
月九日權兵部侍郎李澄降三官先是放罷既而監察
御史商飛卿言其殘虐百姓偷盜官錢故有是命 同
日主管官告院葉初大理評事費堃並放罷以侍御史
陸峻言初貪刻很愎于撓州縣挺素乏行檢不守官常

十三日宗正少卿蒲叔獻與郡以右正言楊炳言其
項居郎省有所不屑既遷少卿猶有不滿二十日趙
汝鐸已降二令指揮更不施行以臣僚言其殘暴姦貪
四年二月十六日國子博士楊琛寢罷召試指揮與
外任差遣以臣僚言其不謹操檢四月四日刑工部
架閣司謙之與在外合入差遣以臣僚言謙之初以門
客補官宰執為進呈差遣考宗皇帝顧語光宗曰切不
可啟此偉門今得掌故已為蹤等不自揣量規求二令
同日祕書丞兼權禮部郎官湯璫與在外差遣以侍
御史陸峻言其攝郎儀曹憑愚獲短也二十七日殿
前司護聖步軍正將劉珣副將張永寧準備將王道各

特降兩官正將趙成副將華鑑同副將淑叔昌正將郭
興祖李謙副將閻德各特降一官更展二年磨勘統制
陳孝慶統領辛愬劉元鼎各特降一官續詔陳孝慶辛
愬劉元鼎各更降一官餘人各降一等職事皆坐不能
鈴束本軍至擅離營伍欲相抵敵既而臣僚言將佐十
二人論罰不侔故有是命 六月十一日殿前司推鋒
軍統制薛琛權副將周敏林政權準備將王良佑各降
一官資正將蕭輝降三官降充訓練官皆坐推鋒軍人
杜青程禮行刦 十三日鄭革已降六院指揮張岷已
降提轄雜賣場雜賣務指揮並寢罷以臣僚言革貪險
無狀士論弗齒岷貪婪之資不下於革 八月二日選

鋒軍統制王喜特降兩官仍更降一資以御前諸軍都
統制趙淳言其盜用官錢 十七日忠訓郎權寄班祇
候王彬降一官以抱駕頭失儀 九月二十四日戶部
侍郎王邁太府卿兼知臨安府王補之並與官觀理作
自陳以臣僚言邁賦資黜傲遇事躁浮補之尹京無狀
措置乖方 十月十三日侍立修注官充賀金國生辰
國信使張嗣古降一官閤門舍人充賀金國生辰副使
陳煥降三官放罷以嗣古墜笏失儀煥於射處爭競
二十七日大理評事葉正綱放罷以臣僚言其輕浮兇
暴 十一月五日殿前司左翼軍統制孫顯忠放罷以
臣僚言其貪饕自恣專事掎剋軍士怨嗟紀律盡弛

二十八日祕書省正字兼吳王府教授劉起晦放罷以
臣僚言其弗彊學問黃緣干進 十二月十六日禮部
郎官鍾必萬與祠祿以臣僚言其入居儀曹移疾廢禮
同日中書舍人俞烈國子祭酒郡康並放罷以臣僚
言烈為親黨而徇學官康容私情而廢學政 二十一
日新除中書舍人莫子純放罷以臣僚言其場屋之文
堆積事類至其撰述對偶偏枯冒居清要而不知止
開禧元年正月二十三日前行樞密院事許及之特降
兩官以臣僚言其黷貨無厭流毒一方 同日權戶部
侍郎趙善堅與祠祿以臣僚言其治郡則政事乖繆入
從則版曹蠹弊 二月二十八日刑部郎官滕安大理

正丁煜並放罷以臣僚言安議刑定罪莫知適平煜律學荒疎何以獻疑 三月二十一日兵部尚書張澤與宮觀理作自陳以臣僚言其頃居言路竊責威權後為諫議妄意政地暨遷尚書怨望勃然 二十五日大理評事留晉放罷以臣僚言其方為縣令貪虐自恣及除延評陵縣州郡 六月十一日閣門看班祇候陳厚之特降一官以不赴起居 八月十九日戶部尚書兼知臨安府趙師堯放罷以臣僚言師堯專事頌舌逢迎干進唯尚嚴酷以濟貪鄙 十七日太常丞兼考功郎官蘇十能放罷以臣僚言十能貪黷私已傲慢陵上 十月三日工部侍郎兼知臨安府趙彥勵中書舍人陳峴

並放罷以臣僚言彥勵修怨前官罪及非辜峴致憾廝
後用意必殺 二十一日東南第凡將武經大夫孫忠
放罷以湖南安撫司言忠不遵法制對衆無禮 十一
月九日戶部員外郎陳鈞放罷以臣僚言鈞超擢凡猥
二十五日宗正少卿王齊興與官觀理作自陳以臣
僚言其志操不立居鄉有屑為之醜居官有避事之譏
二年正月十一日館伴使副鄧友龍譙得遇各降一
官掌儀葛宗商降兩官以引接王孚等傳言異同 十
七日司封郎官傅伯召與郡以臣僚言伯召撫州之政
聚斂貪殘凌蔑監司 二月五日壽慈宮提舉官正侍
大夫安慶軍承宣使吳回提點武功大夫成州團練使

王思誠右武大夫和州防禦使宋安世並於階官上降
兩官以壽慈宮前殿火回等自劾 三月十五日降授
武功大夫文州刺史鄭挺於階官上特追兩官以互送
過錢 四月三日戶部侍郎丁常任降兩官放罷以監
察御史毛憲言常任外示柔佞中實同邪 十五日度
支郎官王介放罷以臣僚言介素無行檢一時中選
十八日祕書丞兼資善堂說書權金部郎官張聲道放
罷以臣僚言聲道素無賢稱 十九日秦檜特追王爵
降充銀青光祿大夫衛國公仍令禮部太常寺改謚以
臣僚言檜力倡和議誣殺將臣 二十三日起居舍人
徐似道放罷以臣僚言似道本無學識恣行桀傲 五

月六日宗正少卿章良能放罷以臣僚言良能諧謔
八月四日禮部尚書兼直學士院易被權戶部侍郎沈
誵並與祠祿理作自陳以臣僚言被甘為諛佞誵素無
學術九月十七日禮部侍郎倪思放罷以臣僚言思
偃蹇倨傲不尊朝廷十一月十一日司農卿兼樞密
副都承旨廖保放罷以監察御史葉時言保敢為欺誕
畧無善狀先有是命既而監察御史王益祥復論保徒
事口才畧無實用降兩官十二月二日工部尚書兼
知臨安府趙師霁放罷以臣僚言師霁天資回邪專務
詭詐屢經論奏九日太常寺主簿王克勤與祠祿理
作自陳以臣僚言克勤天資早慧學力不加井蛙之操

妄自尊大 三年正月九日司農寺主簿譚良願降兩
官以臣僚言良願素無士檢口舌媒進 二月二十一
日國子監主簿許成之武學博士陳紀並與祠祿以臣
僚言成之陵辱郡守需索無厭及為學官已乘士論紀
泄官臨事率多鹵莽今居右序考校多不留意 三月
二日監諸司審計司黃瀛監左藏庫馮軫並放罷提轄
文思院袁中儒與合入差遣以臣僚言瀛很貪鄙民實
受害軫作邑吳江受成胥吏中儒初無實厯而得美官
四月二日主管殿前司公事郭杲放罷以臣僚言其
闇庸貪黷專務營私 五月九日權戶部侍郎林祖洽
司封郎中王公邁並與官觀理作自陳以臣僚言祖洽

素乏聲稱公邁實不副名 二十二日冬官大夫劉居仁特降一官以祕書省言居仁以男奏薦不循分守蔑視本省脫漏朝廷 六月二十四日太府寺丞章升之與宮觀理作自陳以臣僚言其心術回邪專事誕謾以希仕進 同日左衛中郎將屬仲方與宮觀理作自陳以臣僚言其挾詐懷姦妄作生事 八月七日提轄樞貨務胡衛放罷提轄左藏東西庫鞏豐與宮觀理作自陳以臣僚言衛屬舊同官鞏豐轉託太學生私試豐自無所守甘為人役 十六日太常丞趙師淵諸軍糧料院趙贊夫並放罷以殿中侍御史葉時言師淵外示簡默中懷險賊本無技能妄自標致贊夫資稟輕浮操行

駟僧職業不修超競無恥 九日祕書省正字趙汝談
放罷以監察御史王益祥言其妄自標榜因是濡滯密
圖巧取志於超躐 十一月五日承議郎直敷文閣主
管佑神觀韓琦通直郎直祕閣韓禧並追毀出身以來
文字除名勒停送建昌軍羈管朝散大夫右文殿修撰
主管佑神觀顧熹追毀出身以來文字除名勒停送桂
陽軍羈管以臣僚言佞冑專權誤國子壻叨竊美官
十日奉直大夫主管武夷山沖佑觀陳景俊追五官送
柳州安置以臣僚言景俊偽造命書激成兵端故有是
責既而又言佞冑盜權用兵之罪成於景俊止從降竄
於理未當遂追毀出身以來文字除名勒停送容州編

管 十四日吏部尚書陸峻與宮觀理作自陳以臣僚
言其踐駁朝路不著直聲首鼠兩端專為拱默 十七
日新除司農少卿張鉉追兩官送廣德軍居住以臣僚
言鉉立朝則猥賤無恥居家則瀆亂朋淫師旦既斥每
懷觖望既為刑人死黨豈宜寘之卿列 十九日文州
刺史鄭挺更追兩官改送南雄州安置先是臣僚言挺
姦邪駢儉與佞胄實為狎友追三官送柳州居住既而
臣僚又論挺引惹邊事震動一方故有是命 同日禮
部尚書易被追三官吏部侍郎朱質太府少卿林行可
各追兩官被改送融州質改送惠州行可改送潮州並
安置 先是臣僚言其朋姦誤國各降兩官被送辰州

質送筠州行可送沅州並居住至是臣僚復言被由蘇
師旦謫附佞胄縱災兵事質同惡相濟行可佞胄所倚
信故有是命 二十二日前知樞密院事張巖降兩官
送徽州居住以臣僚言其尸素聽從遂開邊隙 二十
七日正侍大夫安慶軍承宣使壽慈宮提舉吳回降三
官送臨江軍居住中衛大夫保寧軍承宣使李璵追毀
出身以來文字降名勒停送新州編管以其交結佞胄
分盜壽慈宮金銀等物入已 十二月一日起居郎兼
崇政殿說書王居安降一官放罷以御史中丞雷孝友
言其私附鄧友龍薦皇甫斌又與張鉉狎昵 六日貴
州刺史韓倬胄降三官送筠州居住以臣僚言其憑藉

聲勢橫行州縣 八日竇謨閤待制葉適落職左衛中
郎將屬仲方追三官送邵州居住以御史中丞雷孝友
言適阿附權臣盜名罔上仲方姦貪無狀縱吏出兵撰
為淮北有流民數十萬欲過淮南附會倪冑搖動事機
故有是命 嘉定元年正月九日環衛官戚拱追三官
送道州安置以監察御史章燮言拱初為楚州首謀剗
連水軍以開邊釁其罪惡有十 十七日權戶部尚書
趙善堅大常少卿邵康堅六部門王璘大理寺主簿陳
燾並放罷以殿中侍御史黃疇若言善堅中懷險側外
事誕謾康以凡陋之資行貪饕之政璘燾資慝至淺冒
昧登朝 二月二十五日刑部郎官陳廣壽放罷以監

察御史章燮言其專事豪奪所至貪取 三月六日司
農寺主簿徐達主管進奏院周庭藻幹辦榷貨務都茶
場張岷大理評事鄭定並放罷以監察御史余崇龜言
達才術無長資厯又淺庭藻性資殘酷岷貪鄙很戾定
行賄僥倖 十六日國子博士朱著放罷以右諫議大
夫葉時言其養膏粱 二十八日左衛中郎將孫顯
忠降三官送寧國府居住以給事中倪思言其為倪胄
腹心掌忠銳軍 四月三日前殿中侍御史徐枏特追
兩官先是吏部員外郎徐邦憲擬復元降官臣僚言邦
憲忠於謀國得罪權臣枏阿附權臣誣劾邦憲故有是
命 九日軍器監丞施宿新差審計司陳昭孫並放罷

以臣僚言宿躁進昭孫貪鄙 五月十四日權戶部侍郎李說放罷以臣僚言其涉厯州縣初無善政徇私廢公無所顧恤 七月十一日檢正諸房公事胡元衡新除將作監葉箋並放罷以臣僚言元衡稟資貪暴用刑慘酷戔人品凡庸天資殘忍 十八日將作監丞毛密大理正沈紡並別與宮觀以臣僚言密闇葺不材考訊大謬紡職業不修鞠勘無取 八月七日直華文閣知臨安府趙善宣新除侍右郎官李珏並放罷以臣僚言善宣應酬無取珏妄自尊高 同日太府寺主簿吳孚降一官放罷以臣僚言孚性資狡黠口舌辨利 十二日太學博士曹叔遠與祠祿以臣僚言其趨向凡下士

論所薄

九月二十一日國子監丞孫元卿放罷以御

史中丞章良能言其貪冒請求 二十二日部郎官常

褚放罷以臣僚言其很傲頌邪 十月二十九日太常

丞兼權兵部郎官吳漢英祕書丞兼權司封郎官曹莊

各與宮觀理作自陳國子監丞劉允濟太學博士耿羽

並放罷以臣僚言漢英凡庸莊凡猥允濟險傲羽躁競

十一月二十八日祕書少監王柎放罷以監察御史

范之柔言柎本無學術妄自尊高 十二月一日太常

少卿兼權刑部侍郎章燮放罷以監察御史林瑛言燮

濫竊聲譽 二日尚右郎官祝禹圭仍舊致仕司封郎

官楊方仍舊與祠以臣僚言禹圭所為很悞嘗遭論列

方初無召命自入修身 八日贈少保開府儀同三司
致仕韓遜追奪恩命以臣僚言遜貪鄙傾險交通賄賂
鄧及龍因之致身通顯 二十六日工部郎官曾槩放
罷以臣僚言槩兇狠 二十八日宗正丞許沆祕書郎
陸竣並放罷以臣僚言沆急於進取竣無所忌憚 二
年正月二十二日國子錄黃以寧大理評事楊竣仲並
放罷以臣僚言以寧輕險竣仲庸繆 二十四日右司
郎中張震與宮觀以臣僚言其非才充位 二月十八
日新除國子博士朱士挺放罷以臣僚言其才識庸凡
四月二十四日太府寺丞兼權都官趙跋夫司農寺
丞兼權戶部郎官程軍並放罷以臣僚言跋夫左右佞

胄其陷故相汝愚竅鼓夫縱史之卑厭稱提官會之術
致科抑估籍為民深害 同日祕書省校書郎陳模祕
書省正字張興祖並與祠祿理作自陳以臣僚言二人
絕無資望猥玷清要 五月七日知閣門事兼客省四
方館事吳衡與在外宮觀以臣僚言其專事唇吻贊鼓
是非 二十六日司農寺丞謝周卿樞密院編修官吳
行並放罷以臣僚言周卿豪侈貪黷衍專事結托 六
月二十七日國子錄事李誠之提轄文思院趙希侔並放
罷以臣僚言誠之分教考試取舍不公布侔踰越分守
干請朝士 七月二十一日新除帶御器械范仲壬降
兩官放罷以右正言黃中言仲壬為茶馬司奉逆議

二十四日司農寺丞秦榛幹辦諸軍審計司邵因並與
祠祿以臣僚言榛片善未聞國碌碌庸繆九月十九
日太府寺丞陳振放罷以臣僚言其因委賑濟出納不
明隱占園田與其妻弟二十日閤門舍人充賀金國
登位副使周登放罷以臣僚言登辟置非人十月二
十九日大理正李曼卿放罷以臣僚言曼卿得罪太湖
之民不可再齒朝列三年正月十三日主管官告院
倪千里與宮觀理作自陳以侍御史陳晦言千里居心
不靜二月五日起居舍人兼權工部侍郎俞應符與
在外合入差遣以臣僚言應符銜命出疆將帶膠餌
同日權刑部侍郎陳晦放罷以臣僚言晦學術短淺操

履傾邪既登言路私意橫生是非易位 同日祕書省
著作佐郎陳舜申祕書郎林至祕書省正字周南並放
罷以臣僚言舜申去就不明至佞諛不顧南居鄉武斷

七日大理寺丞呂祖平軍器監主簿王中純監登聞
鼓院張攀並放罷以臣僚言祖平居官無譽中純學韞
空踈攀職業惰弛 十一日太府少卿胡大成度支郎
官傅伯召並與祠祿以臣僚言大成昏耄伯召貪刻
三月二十七日殿前司左軍統制莫端降兩官放罷以
監察御史徐宏言端偷盜官錢 四月九日步軍司統
制李興降兩官放罷以監察御史鄭昭先言興偷盜官
錢刻剝士卒 五月十六日郭授寢罷帶御器械指揮

以臣僚言校非曾厯邊任有功人 二十一日武學諭
胡應時放罷以臣僚言應時藝業空疎 八月四日監
左藏西庫葉知幾降一官放罷以臣僚言知幾朝廷所
發精繅奇貨悉行低價估直 二十八日大理寺丞沈
緡大理司直楊炎正並與在外差遣以臣僚言緡罕
幾邑動違三尺炎正濫預朝行處心浮躁 九月二十
五日國子博士陳一新太學正謝汲古並放罷以臣僚
言一新狠愎自用無循善誘之功汲古行實不修不能
使人心悅誠服 二十七日工部郎官陳鑄閣門舍人
林之望並放罷以臣僚言鑄諂佞庸凡之望覬倖無廢
四年閏二月二十七日戶部郎中張訢放罷以臣僚

言訢蘇師旦之黨持節廣東縱吏視成科買規利四
月二十五日大理寺丞施械費璉並放罷以臣僚言械
得郡永嘉專務掊歛進丞祥刑涉筆唯阿璉素有心疾
居官妄作始叨延評便遭繳駁六月一日度支郎官
張慥與閹慢差遣祕書郎薛紱諸王宮大小學教授劉
公亮並放罷以臣僚言慥耳聾心憤紱豪飲無度公亮
貪汙鬻獄二十七日太府寺主簿曾準與祠祿理作
自陳以臣僚言準懷姦嗜進二十九日太府少卿趙
汝澗放罷以臣僚言汝澗貪墨營私輕率自恣八月
二十八日祕書郎唐吉先大理評事許震並放罷以臣
僚言吉先素乏聲譽震躡等冒進九月二十七日前

大理評事葉正綱追毀出身以米文字除名勒停永不
收敘以臣僚言其代名冒官為子不孝 十二月七日
奉議郎張鑑追毀出身以米文字除名勒停永不收敘
送象州羈管先是臣僚論鑑不安命義覲圖非望之福
追五官送金州居住既而復言其鑿空妄議欺天罔人
肆為陰謀犯命義之大戒合正邦刑故有是命 二十
六日新除侍右郎官鞏嶸放罷以臣僚言其提坑冶職
措置乖方 二十八日主管官告院滕璘提轄權貨務
趙希閔並與祠祿理作自陳以臣僚言璘近因疾恙殊
費支吾希閔有八九十之親顧乃廢遠曾不暇恤 以
上寧宗會要 嘉定五年三月二十八日太府寺丞港

循與參議官福建提舉陳紀與宮觀理作自陳以臣僚
言二人年逾掛冠希進未已 二十九日幹辦諸司糧
料院楊圭放罷以右正言董居誼言其昨宰黃巖倚任
羣胥交通關節 四月三日監登聞檢院汪杲放罷以
監察御史金式言其昨倖廣信月糴軍糧載歸鄱陽以
取倍息冬夏慮囚所過受饋倉司委買銀兩取其餘直
歸已 七月二十六日提轄行在雜賣場呂啟宗提轄
建康府權貨務都茶場許興裔並與祠祿以臣僚言啟
宗昨宰惠安席捲殆盡興裔昨宰瑞安縱吏為姦逼人
至死令子弟冒同姓牒試 八月二十八日新除侍右
郎官曹彥約放罷以左司諫鄭昭先言峒主葉廣等就

降許國既邀其未反執而戮之彥約之奏請於朝 九
月一日吏部架閣薛舜俞放罷以臣僚言其不事絕檢
為江西幹官日與營妓狎昵 十一月六日司封郎官
李直養與祠祿大理評事楊玠仲放罷以臣僚言直養
精神昏憤職業廢弛玠仲濫中法科不知律令 六年
正月四日度支郎官魏大中與宮觀以臣僚言其昨守
雪川受成吏手姻親撓政妄言羨餘 二月一日新除
知大宗正丞林良與宮觀以臣僚言其向守嘉興專事
倍剋自奉其私親舊饋送多支公帑 二十五日新除
太常博士徐自明放罷以臣僚言其向居師儒之職考
校去取無非私意 二十八日前主管殿前司公事郭

果差宮觀指揮寢罷以給事中曾從龍言其縱吏用兵
締交權門 同日刑部員外郎沈紉與宮觀以臣僚言
其向守莆田詞訴不曉字畫多誤 五月一日監尚書
六部門沈誼與祠祿以臣僚言其嘗為漕幕日事燕飲
偶玷今除人以為濫 六月二十八日太府寺丞張鎬
放罷以右諫議大夫鄭昭先言其試郡潮陽專事苛歛
運銅下海為人所持 七月一日大理評事王洪之放
罷以監察御史黃序言其宰長沙日用刑慘酷科產戶
買鹽委用館客賄賂公行 八月一日軍器監程卓幹
辦諸司審計司李 並放罷以臣僚言卓居家牽於多
爰居憂威制鄉曲 為臨安北廂入幕多徇囑託 同

日新除刑部郎官商逸卿與在外差遣以刑部尚書兼給事中曾從龍言其比守輔藩有大辟獄省部督趣數十次更無一字回報先有是命既而監察御史倪千里復言逸卿分符嘉興弛謬荒恣乞罷處州新除尚左郎官廖德明放罷以臣僚言其為廣東憲日峒寇猖獗措置乖方及用為帥養病自尊盜賊公行 閏九月二十二日新除大理寺丞趙伯檜放罷以右諫議大夫鄭昭先言其鄙陋之政急於喪歛輕信子弟以折辱邑宰竭民膏血封殖其私 十二月四日監登聞鼓院陳蕃孫大理評事江模並與祠祿以臣僚言蕃孫襲知撫州已試無狀胡徽兩郡隨與隨奪模為其鄉人經營冒試以

選人趙赴朝會 十二月二十七日大理寺丞張革放
罷以臣僚言其比領淮郡不能撫摩縱容親隨交通閔
節 七年二月二十八日兵部郎官宋德之放罷以待
御史石宗萬言其言行背違中實貪詐今以虛名濫竇
郎省 三月一日太學錄陳殊放罷以監察御史黃序
言其心術回邪行檢不修 二日幹辦諸軍糧料院董
與幾放罷以監察御史倪千里言其事親不孝居官不
廉 二十五日殿前司神勇軍統制詹和步軍司左軍
統制張瑜各降一官放罷以臣僚言和老而貪饗軍政
不修瑜諛佞姦貪巧求陞差 五月二日提轄文思院
余鑄放罷以監察御史倪千里言其所至以陰險之術

傾臨同列今登朝列故態不改 六月五日武學諭方
震放罷以臣僚言其考試私意取放鍾大成預選士論
益喧 二十九日新除太常寺主簿胡衛與在外合入
差遣以右正言應立言其居官無重厚之實居鄉乏循
理之稱 七月二日左屯衛郎將武師道放罷以監察
御史黃序言其向為廬州僮勇軍統制惟務剽剋以自
豐殖 九月三日新除軍器監趙汝厦新除工部郎官
周綸並放罷以殿中侍御史應立言汝厦為郎偶兼錢
穀之寄仰成吏手漫不加省綸為丞外府金穀之任畧
不究心 同日太學博士陳與行放罷以殿中侍御史
應立言其好行私意考校不公 十月二十五日殿前

司護聖軍統制樊榮放罷以臣僚言其勇略無取貪汙
為甚因肆拷剋無所不至 十二月四日太府寺丞盧
子文放罷以監察御史劉棠言其昨守監江見謂貪黷
逞威妄作略無忌憚 二十六日倉部員外郎留丙放
罷以左司諫黃序言其終日生曹憎無部決有子應神
童不顧分守必欲求賜出身廟堂難其請退輒怨望
同日知大宗正丞兼權刑部郎官徐瑄放罷以殿中侍
御史應立言其為大宗正丞蔑視官長兼攝郎曹不安
分守 八年二月二十四日太府寺簿楊恕大理寺簿
任一鶚並與在外合入差遣以臣僚言恕兼轄封樞庫
有估賣籍沒金幣之屬視其物貴價廉者潛鬻請置一

黜試邑莆田與吏為伍朝廷悉蠲下戶逋租創為青冊
追擾如故 二十八日太府寺丞齊礪放罷以監察御
史李楠言其濫丞外府財賦之劇司以礪之庸瑣本未
源流豈能深究 二月二十六日起居郎李璽降一官
放罷以殿中侍御史應立言其外若誠慤中實險巇招
納縱橫游說之人與聞陷危宗社之議 二十七日監
登聞鼓院董履道放罷以左司諫黃序言其昨宰仙居
催科嚴峻保長越限訊決無虛日庫藏充盈肆為席捲
六月三日太府寺丞韓松與在外合入差遣以監察
御史劉棠言以勲閥收用俾丞外府然其少年廢驥之
習老耄革去 七月二日新除太學正宋倚放罷以監

案御史李楠言其分教廬陵養士行食虛籍支破以自
豐殖課試類出私意學職率以貨取 八月二十日吉
州刺史主管殿前司公事何汝霖與宮觀理作自陳以
右諫議大夫應立言交結權貴從事宴遊招納遊士干
預邪謀故有是命既而臣僚復言其貪汙狼籍密結游
士包藏詭計復詔降一官罷宮觀 二十二日大理評
事樓澄監登聞鼓院高之問幹辦諸司糧料院張次賢
並與在外合入差遣以殿中侍御史黃序言澄約法斷
案率多疎脫之問人任以采寂無間稱次賢才具短拙
治狀無取 十月二十七日武學博士楊宏中放罷與
在外合入差遣以右諫議大夫應立言其濫得學官釋

真差官偶不及恙怒之氣叱書吏胥不顧同僚 九年
二月二日監六部門林拱辰與在外合入差遣以監察
御史劉棠言其試邑則貪汙不律倖郡則狼籍滋甚蹤
處班行可謂僥倖 二十七日翁濟新除刑部郎官指
彈寢罷以右諫議大夫應立言廣德地狹民貧不堪重
歛濟為守絕無可錄惟以拮据為理財以鄙吝為節約
豈足以勝郎官之任 五月二十七日監行在左藏西
庫鄭浦與祠祿以殿中侍御史黃序言其經營版曹差
機往福建勸諭和糴即揭大先牌以王人自居州縣官
奔趨迎折俎饋遺安然受之 六月二十四日提轄雜
賣場魯興文放罷以右諫議大夫應立言其昨宰鹽官

乖繆之迹不一 二十五日提轄左藏西庫江燁放罷
以殿中侍御史黃序言其武斷樓攬公事作倅江陵兼
攝分司總幹妄用大軍官錢 八月二十七日太學正
周勉與在外合入差遣主管禮兵部架閣文字劉坪與
近地見次屬官差遣以殿中侍御史黃序言勉本無才
能繆為朴魯墀闕葺不振黃緣薦引 十月十七日趙
時侃除職與郡指揮寢罷與官觀理作自陳以監察御
史盛章言其頃尹京畿姦貪頗恣使處外藩得以自肆
貽害又甚 十年正月二十三日大理寺丞劉倣傳墜
並先與在外差遣以右諫議大夫黃序言其二人推勘
和州通判葉禾犯賊公事各持異論至於互申乞別差

清彊官根勘候獄事竟日將二人分別施行故有是命
二月七日太常寺主簿黃民望與官觀理作自陳以
監察御史李安行言其職隸容臺規避拜跪令吏輩改
差選人攝事 三月二十八日大理寺丞劉倣特降三
官元降與外任指揮更不施行以右正言劉棠言其推
勘葉禾受財信任吏胥鹵莽結勘抑令虛供可見不職
先有是命既而祕書少監兼權中書舍人黃宜又言劉
倣用意固執計較符合則為故人乞將劉倣吏賜鍰降
復詔更降一官 五月二十六日侍衛步軍司都虞候
王佺與官觀理作自陳王璽特降一官令就鎮江府都
統司從軍步司統制陳師亮降一官放罷以監察御史

李安行言佺之子璽指求中軍統領僭越刼持與師亮
結為死黨時出怨望語 十一年正月六日殿前司神
勇軍統制王琪降兩官放罷以臣僚言其專為剋剽謀
辦已私 六月二日右領衛將軍時暫管幹殿前司職
事張茂放罷以臣僚言其撫軍則殊無紀律處事則頓
乏精神無統御之術不足倚仗 七月五日兵部侍郎
黃序與宮觀理作自陳以監察御史蔡闢言其浸被超
遷遍歷臺諫專於嗜利不顧廉恥 二十八日新除大
理寺丞黃幹新除閣門舍人薛伯虎並與祠祿以侍御
史李楠言幹之欺謾已形於倅安豐之日伯虎之貪墨
已見於守合肥無為兩任之內 八月七日新除起居

舍人留元剛放罷與官觀理作自陳以監察御史蔡闢
言其出守溫賴專務苛刻傲視名德旁若無人 十一
月十九日大理評事李祕閣門祇候陳祖文閣門看班
祇候阜師惠並放罷以監察御史蔡闢言祕獄事閣踈
受成吏手祖文趨向卑污放蕩狎遊師惠夤緣閣屬招
攬外事 十二年正月六日國子監書庫官馮大受與
祠祿以待御史李楠言其恣行武斷長惡不悛堯攬閔
節干撓縣政 二十一日大理評事閻丘梓監行在權
貨務大門郭九思放罷以監察御史王夢龍言梓項典
贓局歸航發覺本券充積私橐九思不守士檢狃狂之
行捕于都邑 三月二十七日大理評事葉芳放罷以

侍御史李楠言其賦安浮蕩習為膏粱聲色貨利日汨其心 閏三月四日吏部郎官康仲穎與宮觀以監察御史王夢龍言其居家則貽誚於鄉曲為郡則得罪於士民庀職小銓曲意行私 六月二日太常少卿蔡闕與宮觀以監察御史張次賢言其外示威嚴中實狠愎凡所彈擊無非私意 四日樞工部尚書胡桀禮部侍郎素熒並放罷以合臺言其二人論議不一各執偏見一主於和一主於戰求勝報怨殊非體國 十九日軍器監黎伯吳刑部郎中趙彥适並與州郡差遣兵部郎中高禾祕書省著作郎陳黼並與參議官差遣大理正沈鐸大理寺丞蔣誼並與宮觀理作自陳以右正言胡

衛言伯巽以儉倭之質習傾詐之風彥适權姦之甥規
避作邑秋官劇曹豈能平允禾當華髮之年有嬰孺之
嗜黼久焉玩愒憤憤無間繹已試罔功臺疏可考誼心
術回邪專事口吻 二十六日主管臨安府城南左廂
公事呂瀟城北右廂公事汪之綱並放罷以監察御史
張次賢言瀟縱飲多至達旦決遣率由吏手之綱昨宰
龍游罷吏教之斷決館客代其書判 八月九日殿前
司左軍統制張健神勇軍統領崔震並放罷以監察御
史張次賢言健以妾妻逆曦緣此陞差出戍楊州賊盜
不法非一震元係御馬院白身軍務莫曉牧馬平江恣
所欲為 十月二十六日刑部郎中費挺大理寺丞留

碩並與祠祿以右諫議大夫李絢言堦侍中金科兩貼
臺議躡處郎省豈所宜得碩自領左符受成吏手今佐
詳讞何所建明十一月三日刑部郎官應元袞宗學
諭黃克仁並與宮觀理作自陳以監察御史張次賢言
元袞年事浸高精神昏憤克仁聞革無間何能諭導

十二月十九日權刑部侍郎何刻與宮觀理作自陳以
右正言胡衛言其洎登禁近迺乏庶隅既苦未疾間至
曹局十三年三月六日禮部郎官陳貴誼與宮觀理
作自陳以監察御史張次賢言貴誼以私故久曠職事

四月二十九日監尚書六部門張國均與祠祿三省
樞密院主管架閣大字林萬興在外合入差遣以臣僚

言國均天資驕驕氣習凡下萬文采議論全無足觀
五月二十刑部員外郎徐瑄罷黜以監察御史羅相言
瑄鎮瀘南日恣為掊剋六月二十四日幹辦諸軍糧
料院鄭域與在外合入差遣以殿中侍御史胡衛言域
涖官所至罔不狼籍八月十九日新浙西副總管高
仁罷新任以知臨安府陳廣壽言近因受詞狀有高仲
論仁不分祖上田產物業遂行追對更不肯分析及送
府院對證方肯供狀願分其無庸恥可見十月一日
都官員外郎趙建大與官觀新除戶部員外郎趙希普
寢罷令赴行在供職之命以監察御史方猷言建大得
疾之後語言蹇澁据案閣筆一辭莫措希普守鳳州日

虜犯金牛鎮一籌不畫乃先逃遁 二十九日祕書郎
兼莊文府教授柴景望與宮觀理作自陳以右正言張
次賢言景望為水胄監處事情然授經上講語駭聽
十一月一日國子監主簿洪彥華與宮觀理作自陳太
學正留祺與在外合入差遣以監察御史方猷言彥華
私慾交勝廉隅不立祺精神昏憤考校非長 十二月
十日殿司右軍統制王寧放罷以權殿前司職事馮榘
言寧近因居民遺漏畏懼退避軌離地方 十一日殿
司步軍統制薄處厚降一官放罷以居民遺漏延燒城
外至步軍寨處厚却護廨舍不用心督兵救撲 十七
日殿司遊奕軍統制陳曷降一官以遊奕軍兵邵安家

遺漏曷有失提督鈐束從權殿司職事馮樹言也 二
十七日太常博士王深太學博士周端朝太學博士院
太子並與在外合入差遣大理正孫涇降一官放罷以
殿中侍御史張攀言深黃緣立朝肆言無忌端朝不安
分義僥求入館文子職在校文神氣昏憤涇往清湘鞠
知欽州林干之獄所申自為異同 十四年七月一日
國子錄李方子罷黜以左司諫王元春言方子頃游壁
水有富民范若水從學視為奇貨欲以女妻之若水因
是迄死非命咸謂方子利其財而致之死 八月二日
宗正少卿陳卓大理少卿樓觀司農少卿王棟並與祠
祿理作自陳以殿中侍御史張攀言卓兼攝西掖肆言

無忌觀疲曳安坐畧無愧色棟循循默默坐縻縻稍
九月三日大理少卿林岳倉部郎中趙師懿並與祠祿
理作自陳以監察御史李伯堅言岳為貳外府無所可
否師懿歷柳道二守政以繆聞二十三日新除大理
寺丞万俟卨與官觀以中書門下省言卨年事已高精
神已耄繳還詞頭故也二十七日太府寺丞趙希綦
司農寺丞呂昭亮並與官觀以殿中侍御史張攀言希
綦昨守湖郡恣行慘刻公私誅求昭亮從事燕游荒廢
職業踪競奔趨十月三日駕部郎官鄭定屯田郎官
謝周卿新除秘書丞兼權右曹郎官陳畏新除太府寺
丞楊若並與在外合入差遣以右正言龔蓋卿言定昨

守嘉興繆政流傳周卿持節淮東政事貪暴畏每事退縮縱吏為姦若不度哀殘昧然嗜進四日諸王宮大小學教授陳無損大寺寺主簿應鏞並與在外合入差遣以左司諫張次賢言無損精神昏憤狀貌哀憤鏞容止無度面目可憎十二月一日和州防禦使提舉佑神觀趙不熄與在外宮觀以監察御史方猷言不熄朝參常禮以疾不赴本非宗老且復多病十五年正月二日工部侍郎王居安權刑部侍郎陳廣壽並特與宮觀理作自陳以臣僚言居安江西平冠罔功貪謬著聞廣壽尹正神臯無狀物議厭薄同日閤門舍人陳大紀罷黜以臣僚言大紀為公試所考官畧不經意工拙

易位 二月三日幹辦諸軍審計司王自強提轄左藏東西庫趙師楷並與宮觀理作自程以臣僚言自強資稟庸俗恭旁之姦必不能察師楷識見凡下出納之吝必曠厥職 同日新除度支郎官鄭如岡罷新與宮觀官觀理作自陳以臣僚言其居家受制悍婦當官蒙成猾胥貪黷之狀擢髮莫數 五月二十八日大理許事俞杲主管官告院孫密並與在外合入差遣以臣僚言杲人物關茸精神昏憤密姿稟凡庸志趣鄙猥 七月二日太常博士牛斗南司農寺主簿林叔成並與宮觀理作自陳以臣僚言斗南作邑有貪殘之聲立朝無靖共之操叔成為邑則訊決違法佐郡則政以賄成 八

月十五日權管幹馬步司職事王端理與官觀理作自
陳以臣僚言其攝事三衙為壻營居擅役禁旅失於恭
謹 九月七日監行在豐儲倉門斯澤罷黜以監察御
史李伯堅言其封彌付之吏手 十一月二日大理少
卿蓋鑄將作監喻珪各與祠祿理作自陳以臣僚言鑄
人品猥凡志趣卑陋珪容貌鄙俗識見昏庸 二十八
日祕書省著作佐郎兼權刑部郎官黃瀛太學博士謝
興甫並與官觀理作自陳以臣僚言瀛已玷白簡不知
懲艾顧猶妄作興甫庚辰校藝南宮私取交朋不顧法
理 十六年二月二十二日司農寺主簿江潤祖特降
一官大理寺主簿黃廡特展一年磨勘以左司諫李伯

堅言其封彌國莽 三月三日新除兵部郎官施棫新
除屯田郎官胡棻並放罷以臣僚言棫年事已高精爽
昏憤棻凡所居官俱無善狀 同日臨安府通判黃順
卿罷黜鄭伯謙趙汝戲並與祠錄理作自陳以臣僚言
省試差官有總轄諸司一員係以臨安府通判為之預
差下黃順卿及期順卿以子弟妨試託疾求免改差通
判伯謙汝戲又復辭難故有是命 十七日步司左軍
統制時暫照管步司事務成政錫罷以臣僚言政宴安
公宇不修軍政 四月一日新除起居郎鄭自誠與在
外合入差遣以臣僚言自誠昨守宜春初無善狀 同
日戶部侍郎沈暉與在外合入差遣以臣僚言暉官居

通列苟玩度時 二日新除大理寺丞林大章司農寺
丞楊紹雲並與在外合入差遣以臣僚言大章居鄉則
桀驁治郡則貪汙紹雲門蔭得官專事諂佞 同日大
理寺丞趙希棐與宮觀理作自陳以臣僚言希棐生長
公族氣習膏粱率意妄為不顧理義 八月三日國子
監丞葛從龍太學錄繆師臯並與祠祿理作自陳以臣
僚言從龍妄稟昏愎氣貌倨驕師臯黜減天常溺愛背
親 十月二日太學博士高熙績與祠祿以臣僚言熙
績考校補試牢籠私取 三日左衛中郎將楊顯右驍
衛郎將黃之頴並放罷以臣僚言顯攝事丞徒專意倍
飲之頴不安職守妄意營求 十一月三日校書郎陶

崇輿在外合入差遣新城知縣葉稔服闋日展一年放
令參注以臣僚言崇國忌行香託疾不赴稔容縱汪時
亨違法行用錫牌白會事今丁憂去官 三十日大理
寺丞江模與宮觀理作自陳以臣僚言模縱容子弟為
害鄉曲 十七年四月一日幹辦諸司糧料院陳元粹
監左藏庫莫煥並罷黜以臣僚言其敗禮犯義怠廢
職業 同日禮部尚郎兼中書舍人胡衛與宮觀理作
自陳以衛南宮贊長西掖摛文覆通顯矣嗜進益切清
議鄙之為臣僚論列 同日提轄行在左藏庫趙希伋
與官觀以臣僚言其重罰諸胥以資妄用肆貪無忌
紹熙五年七月二十九日知福州辛弃疾放罷以臣僚

言其殘酷貪婪姦賊狼籍 八月五日廣東提舉吳昭
夫放罷以左司諫黃艾言昭夫公使庫別置厯送還人
多支錢或說名借請饋送皆有實迹 同日知太平州
蔣繼周放罷以侍御史章穎言其每與住郡皆以不治
聞 十六日朝請大夫直龍圖閣知揚州錢之望可特
降直顯謨閣以侍御史章穎言其收捕茶寇初無功行
自此擢用悉以貪聞 九月二十一日知衡州余秀實
放罷以湖南提舉吳鎰言其叛例科數置州用庫妄破
借請偽作馳送 二十七日朝散大夫集英殿修撰平
弃疾降充祕閣修撰朝議大夫煥章閣待制提舉江州
太平興國宮馬大同降充集英殿修撰罷祠以御史中

丞謝深甫言二人交結時相敢為貪酷雖已黜責未快
公論 二十八日中大夫煥章閣學士知成都府丘密
降充煥章閣直學士放罷以御史中丞謝深甫言其蛇
虺之毒虎狼之暴肆虐以濟貪怙勢以行詐到官方一
年半而西蜀軍民士夫無不怨憤 十月二十五日前
辰州通判劉備特降兩官以臣僚言備不孝不廉不當
齒於搢紳 閏十月八日知江州沈祖德放罷以臣僚
言祖德素無行檢敢肆貪殘與吏為市立威科罰 十
四日紹興府通判馬輝放罷以臣僚言其狠傲貪刻凌
駕帥憲暴虐諸縣 十九日利路副總管吳晟參議官
王公邁並放罷以本路提刑范仲藝言晟於禁樂之時

般樂器數檐至官所作樂飲宴公邁貪鄙之姿士所不
齒 二十三日知威州鄧機放罷永不得與州郡差遣
以四川安撫制置司言其到官始八閱月誅求百出民
不堪命 二十七日知江陵府袁樞放罷以臣僚言其
狠愎自用貪虐不恤立朝治郡俱無足稱 十一月五
日知資州張大猷知隆慶府趙善詔並放罷以四川總
領馮震武言大猷縱令子弟門客妄作善詔減剋賑濟
米斛致饑民踰踐 七日新知蘄州鄭嗣宗新知興化
軍韓元老並放罷以殿中侍御史楊大灋言嗣宗為提
舉時席捲鹽錢元老知真州時視官庫如私帑 同日
新知江州沈瀛放罷以右諫議大夫張叔椿言瀛素苦

心氣間遇疾刺憤眊不知所為 十二月十二日朝議
大夫直祕閣主管建寧府武夷山冲佑觀張演褫奪職
名以殿中侍御史楊大灋言其傾險貪吝恃才矜已累
遭臺評不知悔過 慶元元年正月二十四日知素州
鄭南新知舒州趙公介除命並罷罷以臣僚言南狼暴
貪汙公介性稟輕儇素無士行 二十六日新知揚州
鄭興裔罷罷依舊在京宮觀以臣僚言其暴戾殘忍科
罰貪虐為邊郡嘗語人曰邊郡當以便宜從事豈問條
令何畏朝省 同日新知南劍州魏欽緒放罷以臣僚
論其殘刻貪婪背公蠹政 二月五日湖北提刑黃掄
放罷以臣僚言掄不顧廉恥交通閹節 六日知萬安

軍李伯鈞放罷以廣西諸司奏其殘忍貪婪擾害黎民
引惹邊事 二十二日贛州通判黃渙放罷以臣僚言
渙昨為太傅謗罵長官陵轢同列已汙白簡 二十四
日建康都統皇甫斌放罷以臺諫論斌黃緣邊面遂叨
分閫妄自尊大求為殿帥 同日知南外宗正司趙公
迴召命寢罷以言者論其素無行檢老而彌甚干撓州
縣無復忌憚况年已七十有四自應休致 二十五日
浙西提舉黃灝追兩官放罷以臣僚言灝早傷之際措
置失宜 同日黃萬石不得與親民差遣以諫議大夫
張叔椿言萬石前知濠州率意妄作狎妓貪汙 三月
二十四日徽州通判趙鉞夫建昌軍通判沈楨並放罷

以臣僚論錢夫用刑慘酷科敷公吏巧作名色支破官錢後因攝郡政委富室兜攬公事商量關節妄作禍福二十六日知盱眙軍劉苟放罷以臣僚言其為守盱眙郡境大旱輒以豐熟妄申致民竄虜境 同日福建提刑趙像之江西提舉趙謚並放罷以臣僚言像之貪黷無厭難以久處祥刑之任謚性識不敏才具非長剖決無能書判多誤 四月二十七日淮東提舉陳損之運判趙師彛並放罷如揚州錢之望特降直徽猷閣以臣僚言損之盜官鹽販往江上得錢買貨入蜀師彛往上海買木結簿就真州出賣侵奪商賈之利之望將備邊椿積之錢糴米轉賣營運淮人目為三客 同日知

雷州陳亮弼放罷以本州三縣耆老告論在任不法事
三十餘項體究得實 五月二日興元都統制王宗廉
特降一官放罷以侍御史楊大灋言其暴戾淫邪貪黷
鄙猥初無將畧軍政不曉 十四日新除提點坑冶鑄
錢耿延年罷新命以言者論延無凡康貪黷平生巧於
交結所至畧無寸長 二十三日知婺州黃度落職放
罷以臣僚言蘭溪知縣張元弼姦賊不法罪狀顯著度
為郡守坐視不問 七月六日雷州水軍統領何茂椿
放罷坐輕躁恣橫不畏法令從廣西經畧司所按 七
日新知常州趙亮夫放罷新知饒州蕭忱差主管建寧
府夷山冲佑觀以臣僚言亮夫貪鄙無狀人所不齒向

守廣德席捲而去忱庸繆有餘且乏廉稱震守衛州郡
政盡廢惟事燕飲 二十七日朝奉大夫直龍圖閣知
福州詹體仁降兩官放罷以臣僚言體仁薄於士行視
勢阿附反覆傾險 八月五日知虔州蔣行簡放罷以
臣僚言行簡昏繆狠愎專務慘酷昧於斷決郡事廢弛
二十三日新知雅州史勤罷新任以四川制置使趙
彥逾言勤前知黎州引惹蠻民侵犯邊境措置無方
二十七日盱眙軍通判孫質永不得與親民差遣添差
嚴州通判任清叟放罷以侍御史黃黼言質素無愧恥
所至賦汙今倖盱眙畧不悛改清叟性質貪鄙趨向凡
下為仕官亦如營生貪冒不知進退 同日朝散郎前

知大安軍宋琚追兩官永不得與州軍差遣以琚昨任
知軍受代有日妄立名色帑捲軍節為利路安撫章森
所奏 十月三日知南雄州廖倜與官視理作自陳以
廣東運判徐枋按個癘老昏暗郡事率皆廢弛取解不
奉詔條沮抑進士遂致場屋喧噪 十四日前知處州
蔣行簡特降兩官添差通判趙師碩放罷以監察御史
王恬言行簡貪汙狼籍以致罷命不能悔過尚且恣橫
師碩阻僧無賴月嘗彫青 十六日成都運判續耆與
祠祿理作自陳以監察御史張孝伯言耆感末病今已
踰年語言步履不堪勉強 二十六日前知漢州張續
罷祠祿降授祕閣修撰知福州卒弃疾與落職知鄧州

曾三聘知南劍州黃瀚並與官觀御史中丞何澹言續累以受金見之白簡拔式得郡貪汙如故弃疾酷虐吏欲掩節藏為私家之物席卷福州為之一室三聘居鄉則謀入田產立朝則專事唇吻瀚入仕並無資歷黃緣竟攘見次破壞成法 二十八日前知揚州錢之望降直徽猷閣罷官觀以諫議大夫李沐言之望前知揚州初無績狀專事唇吻尚敢以貧為請公議不容 同日鄂州統制史非熊降兩官統領王喜降一等職事皆坐全不用心閑防養喂戰馬以致內外結合中毒倒斃意欲貨賣以都統劉忠申奏故也 二十九日建康添差通判劉大臨通判王萬樞各降一官並放罷以右諫議

大夫李沐言大臨受王萬樞請屬科舉出題私禱考試
官取其子王逢王遂士論甚譁 十一月二十六日知
楚州皇甫斌特降兩官以御史中丞何澹言斌不安分
守妄乞創造戰船不堪使用專事虛談以誤時聽 二
十八日知永州陸杞放罷以侍御史黃黼言其趨操凡
下素乏廉聲治家無法臨政賊汙 十二月三日廣東
運判徐枬放罷以右正言劉德秀言枬立朝則人以為
恠辟在外則又加以貪暴居家則縱子女沽賣私醞臨
政事則交通賄賂 二年正月五日策選鋒軍統制鄒
元降充統領官撥付鎮江都統司候有閑日撥填以殿
司言元輒用子弟干預軍政紊亂法律 十二日添差

江州通判楊焘南安軍通判彭商老並放罷以臣僚言
焘侍運判吳獵陵駕州郡商老賦性慘酷貪婪賦汙
同日新福建路馬步軍副總管鄭人傑與宮觀以臣僚
言人傑始因諂事權門遂蒙擢舉所至席卷老不安分
二十一日許浦駐劄御前水軍副都統制馮建放罷
以臣僚言建出自行伍本無勇畧多役水軍興販鹽貨
貪淫不法敗壞軍政二十六日正奉大夫顯謨閣待
制新知婺州軍州事陳峴寢罷新命與宮觀以臣僚言
峴論思回邪屏翰汙汙若畀婺女必致席卷二十八
日武德大夫澤州刺史熊飛追兩官罷宮觀以侍御史
黃黼言飛向知揚州賊及鉅萬按發伏辜除名勒停自

蒙敕復得為楚州不悔前過輕易妄作 二十九日都
大主管四川茶馬司楊經除直龍圖閣令再任指揮寢
罷落職典祠以臣僚言其貪婪狠繆年迫桑榆茶馬重
寄不當復遣士人為之 二月二十一日太中大夫顯
謨閣待制知福州木待問放罷以言者論待問知寧國
日縱親隨輩五人交通閹節部人呼為五鬼號待問為
木賊自拜福州之命姦賊如故 三月一日知瓊州莊
方放罷以其坐視黎賊作過廣西絃畧司按奏故也
八日知西和州王恕放罷以四川制置使趙彥逾等奏
恕懦弱無能不堪倚仗非守邊郡之才 二十五日朝
請大夫主管台州崇道觀沈有開降三官罷官觀以臣

僚言有開謫媚權臣周巖君上合從竄竄今尚奉祠
四月二十二日前准東提舉陳損之寢罷典官觀指揮
以臣僚言損之比因論列放罷今職名猶舊已為輕典
若更與祠祿則公論不甘 二十七日知廣德軍徐濟
川臨安府通判鄭魏良並放罷以待御史黃黼言濟川
到任以來交關關節妄破官錢歸已掊剋無厭魏良庸
妄小人貪墨無恥凡諸縣閭請錢物及納諸色等錢悉
有定賂 六月二十二日朝請郎知吉州楊方降雨官
放罷奉議郎項安世降雨官以監察御史張伯瑛言其
適當危疑之時懷私自營不顧君上委之而去逮其事
定相繼復來 二十三日朝散大夫提舉江州太平興

國宮陳傳良降三官煥章閣待制提舉江州太平興國
宮彭龜年落職並罷宮觀以監察御史呂渠奏傳良向
者權臣窺伺之謀則左掠右賣神出鬼沒輒出不遜之
語龜年附於偽學贊權臣不軌之謀厚誣罔上罪誅莫
逃 八月十四日浙東提舉莫漳放罷以察官呂渠言
台州洪水湧發漂溺居民衝蕩禾稼公然坐視畧無惻
隱之心 同日知萬州張亨放罷且與祠祿以愛州安
撫使母丘恪等奏亨無治郡之材取粟其妻方敢出廳
訟牒積壓郡事廢弛 九月十九日朝散大夫主管建
寧府武夷山冲佑觀辛弃疾罷宮觀以臣僚言弃疾賦
汙恣橫唯嗜殺戮累遭白簡恬不少悛今俾奉祠使他

時得刺一州持一節帥一路必肆故態為國家軍民之
害 二十七日通判常州莫懋通判建康府林致放罷
以臣僚言懋心恙昏謬乖錯不恥目為顛倖致陰險傾
邪貪饕鄙猥 十月二十六日江陰軍簽判陳志同放
罷以知軍邵裒然奏志同貪暴不職 二十九日知慶
元府林大中落職放罷以臣僚言其為郡上下之情不
通民無所訴郡之寓公與大中之素親厚者皆欲徙居
以避 十一月六日知無為軍李洪特降兩官知平江
府雷涿知楚州熊飛各特降一官以臣僚奏御史臺考
覈皆以妄用虧損元交割錢數 同日前知台州周晔
特降一官以浙東提刑李大性奏晔昨擅將常平等米

以新易陳虧少萬數 十二日福建運副陳公亮提舉
蔡幼學並放罷以臣僚言公亮素無廉聲昨漕江西聞
改福漕席卷公用郡人駭之幼學早為偽學巧取偷魁
持節閩部全不事事 十七日知洋州游仲鴻知金州
羌仲壬並放罷以臣僚言二人同惡相濟貪迂之迹見
於所試阿附權臣妄作威福 二十九日新知徽州商
侑降一官放罷以侍御史姚愈言侑素無行檢貪汙狼
籍 十二月十三日趙善詔知巴州指揮寢罷以臣僚
論其狠愎悖慢累犯州麾皆以情不曉事為上司按劾
二十一日新除湖北提刑趙諡新以湖南提舉陳守
並寢罷以言者論諡昨為提舉性識不遠祠祿未及一

年攫取提刑差遣守向在朝列廢朕卑猥不更事遂
于州郡而去未赴再求監司乞罷二人新命使祠祿者
須俟滿秩得郡必至終更 二十六日朝奉大夫祕閣
修撰提舉南京鴻慶宮朱熹褫職罷祠以臣僚言熹資
本回邪加以愆忍汙行盜名欺君罔世 三年正月十
九日滁州通判王光國宮觀以守臣洪楸奏光國每遇
國忌聖節並皆託疾不曾赴朝也 二十三日新知
衢州潘景珪指揮寢罷與官觀以中書舍人吳宗旦奏
景珪虎狼之暴蛇虺之毒臨政治民憐不曉事妄作威
福 同日王樞新知江陰軍指揮寢罷與參議官差遣
以中書舍人吳宗旦言樞乃相家之子素居閑慢之職

實未親民遽處以輔郡之任恐致誤事 四月四日朝
奉郎建昌軍通判樂繼宗降一官以臣僚言其天資苟
賤肆為貪暴交通閹節慘酷害民 二十六日訓武郎
知宜州陳表臣特降三官放罷永不得與知州軍差遣
以廣西安撫張玠言表臣不能拊摩專事掊歛父艱不
即解官 二十七日知隆州司馬遼興官觀理作自陳
成都運判閻丘泳奏遼縱吏虐民遇事弛廢 二十九
日觀文殿學士正奉大夫知潭州王簡降充資政殿學
士放罷以臣僚言簡項在樞府希覲相位既遭罷斥忿
忽君上怨望朝廷及鎮長沙與漕臣吳鉉結為死交譏
謗時政蔑視法令交通閹節賄賂公行 五月十一日

淮東安撫趙鞏新廣西運判吳鎰並放罷以殿中侍御史張釜言鞏帥維揚全不事事訟牒積壓獄囚盈滿鎰賦性多貪濟以佞邪比任湖南運判謫事王簡日與酣飲漕計因此一空二十四日前鄂州都統劉忠罷祠祿以臣僚言忠為副都統日刻剝軍兵侵盜官錢交結權貴及陞為都統制愈無忌憚竊取公帑為之一空

以上寧宗會要